



特蘭斯法爾目錄

第一篇 地理及政志

特蘭斯法爾

梭齊蘭德

奧凌資自由國

都府

金鑛

金剛鑛

第二篇 新建國史

南阿之發現

和蘭法蘭西最初之殖民

英國軌下之波爾

南阿共和國之創建

鐵道問題及壽模崧之侵入

第三篇 英阿最近之衝突

衝突之一

衝突之二

衝突之三

衝突之四

衝突之五

衝突之六

衝突之七

第四篇 餘錄

南阿之人物

南阿概論

果僅以強者之權利爲權利歟

特蘭斯法爾

第一篇 地理及政志

特蘭斯法爾

烏。虜。歐。羅。巴。者。天。之。籠。子。也。亞。細。亞。者。天。之。弃。子。也。然。天。以。籠。歐。羅。巴。者。籠。亞。美。利。加。天。更。以。弃。亞。細。亞。者。弃。亞。弗。利。加。惟。籠。也。故。趾。愈。高。而。氣。愈。揚。惟。弃。也。故。操。心。愈。危。而。慮。愈。深。吾。觀。於。歐。羅。巴。而。爲。我。亞。細。亞。危。吾。觀。於。亞。弗。利。加。而。爲。我。亞。細。亞。賀。吾。觀。於。亞。弗。利。加。之。特。蘭。斯。法。爾。而。爲。我。亞。細。亞。之。中。國。愧。吾。欲。以。特。蘭。斯。法。爾。愧。中。國。吾。欲。以。亞。弗。利。加。傲。歐。羅。巴。烏。虜。歐。羅。巴。可。以。愧。矣。吾。中。國。可。以。興。矣。特。蘭。斯。法。爾。可。以。風。矣。

試繙五洲地圖而閱之。其黯然而無顏色者。非亞弗利加耶。試繙萬國地圖而閱之。其黯然而無顏色者。非特蘭斯法爾耶。而何以今日者。五洲萬國上而議院下而報館上。



而朝廷下而閭巷莫不劇目怵心翹首企踵執筆操觚抵掌奮舌而斷斷然於亞弗利加大陸之南極瑞之處自南緯二十二度至二十八度四十分之一隅雖然特蘭斯法爾之大名兒童走卒能道之特蘭斯法爾之歷史薦紳先生難言之吾且與之攷特蘭斯法爾

特蘭斯法爾亦名南阿共和國其北則帶林波河(即鱈河)而臨麻靱陪列之蠻境

其東及東南則環以德拉克山

即龍山脈

而與嘉沙分界域其南則溯法爾河

長流而接同心一體之奧凌資南北縱線亘二百里

此係日本里數

東西橫線貫百五十里

其面積有三十萬八千平方基魯米突

請言其氣候國內高原之地氣候甚適惟林波波河一帶則頗不宜人若一概言之則時而溫和時而酷熱時而乾燥時而寒冷平均其氣象夏季從十八度三十三度分昇降於二十二度間冬季由十五度往來於十八度間

請言其山河山則有瑪加利愛白耳克山華爾山蒲蘭白耳克山時得班白耳克山

及蜿蜒形之德拉坑白耳克山。河則有法爾河。林波波河。法爾河者。乃此新造國民由奧凌資入特國時之過渡河也。故此新造國。有特蘭斯法爾之名。此河合克黎部及漢華兩河流。漸漸而大。滾滾而入奧凌資河。以朝宗於大西洋。林波波河一名鱈河。此河左則合麻離管及莫鳩阿利二河。右則容嘛得辣巴斑古刺及象川三河。終至渡葡萄牙領土臺拿哇灣之北。而入印度洋。

全國大別。約有四道。曰慕渥泮滔菩。曰瑪加利愛白耳克。曰利但波爾。曰蒔得班白耳克。其爲地也。石炭金鐵銅錫鉛諸礦頗富。穀物菓物。其他熱帶之產物頗茂。各處秣場牧場。牛馬羊之牧畜頗蕃。深林茂苑。彌望皆是。故獅虎象鹿狼犀豪狗華馬等亦頗多。惟國度之進步陡增。而是等之動物漸匿跡。

國內之道路及鐵道。尙爲幼稚時代。未能完備。其鐵道起點於首府普律脫利亞。往東而入葡萄牙領土達臺拿哇灣頭之羅蘭梭港爲一線。又發點於首府。南下串謝哈奈波爾。連接奧凌資。及喜望岬爲一線。從謝哈奈波爾出南。東而通奈韜爾之達

爾警爲一線。雖然有鐵道不可無電線。電線者。鐵道之左右手也。特國於一千八百九十八年時。鐵道總延長。得一千二百四十七基魯米突。而電線總延長。亦得八百二十基魯米突。

千八百九十六年之人口。白人共二十四萬五千三百九十七人。(內男十三萬七千九百四十七人。女十萬七千四百五十人) 黑人共六十二萬二千五百四十四人。(內男十二萬八千三百二十一人。女十五萬九千九百六十六人) 白人中之最多者。爲創建此國之波爾人。數約五萬。其他皆各國來往之客民。英國人爲多。德次之。其黑人則整汀脫巴斯脫。倍條。安麻。韃倍。列諸種族爲多。

地理學家倍泥回之言曰。特爾斯法爾所要。在多數之力役資本家。與交通之道路。而今日兩者均缺。故所產穀類。僅足養七十萬人。麥粉之供。尙仰給於奧洲。果使兩者充足。得爲世界第一富農國。能殖一千萬之住民。此言也。洵不誣也。

湖南阿共和國之爲國也。千八百四十八年以後。爲胚胎時代。由千八百五十二年

二月十七日以後。爲建立時代。自七十七年迄八十一年。爲英國干涉最困難時代。此時代也。名其國曰特蘭斯法爾。至八十一年八月三日。普律脫之條約成。凡共和國內政皆自主。不容英國干涉。獨外交政策。則由英國特派駐劄官處之。於是復稱爲南阿共和國。由八十四年二月二十七日倫敦條約。再擴張國權。定爲與奧凌資自由國條約。則由共和國主裁之。其他諸外國條約。則必得英國承諾。而後由共和國訂結之。

共和國憲法。制定於千八百五十八年。二月十三日。復經九十年六月二十三日之改正。議會稱「福爾克拉德」。分兩院。兩院議員各三十六人。第一院議員。由直接選舉法舉充之。以生於國內。在千八百七十六年五月二十九日以降。居是地者。爲被選者之資格。以住居國內十四年以上之公民。爲選舉人之資格。第二院議員之被選資格。則爲住居國內四年以上者。選舉人則爲住居經二年以上之公民。大統領軍總督國務大臣。共爲公選。其任期則大統領五年。軍總督十年。總理大臣

四年。其他各大臣。則三十年一任。由第一院議員選舉之。今大統領古魯家及軍總督諦勃耳二氏。皆全國波爾人之望也。

共和國最近之歲出歲入。各占四百四十萬磅內外。千八百九十六年。計全國國債。共二百六十九萬五千七百九十九磅。內負自英國者。十五萬六千六百六十二磅。然擁二千五百阿兒辦脫廣大之土地。為國內之所有財產。則其價額至少。亦數百萬磅。償還國債。綽有餘裕。何有乎國計之支絀。

決算七年間歲計表

歲入

磅

歲出

磅

一八九二年	一、二五五、八二九	一、一八八、七六五
一八九三年	一、七〇二、六八八	一、三〇二、〇五四
一八九四年	二、二四七、七二八	一、七三四、七二八
一八九五年	三、五三九、九五五	二、六七九、〇九五
一八九六年	四、八〇七、五一三	四、六七一、三九三
一八九七年	四、四八〇、二一八	四、三九四、〇六六

千百九十七年之歲計決算表如左

歲入		歲出	
	磅		磅
輸入稅	一、二七六、七一九	俸給	九九六、九六〇
田賦稅	一六一、七九四	司法及警察費	一三一、〇二四
印紙稅	二五八、三九六	衛生費	一〇六、七五八
收益	二二〇、九六一	軍事費	三九六、三八四
南阿鐵道	七三七、三六六	國債償却	一六六、一四六
雜收入	二六九、六一〇	梭齊蘭脫費	四一、九八七
黑命可敦	一五七、四二三	收稅費	二一、二五三
免許稅	七三二、〇九二	教育費	一八、四〇七
罰金	一〇九、一二八	郵便及電費	一六七、六〇八
郵便及電信	二二五、三二〇	土木費	一、〇二二、八六六

爆發物賣下價 三五一、八〇九 買上費(鐵道) 五八四、五五五

總計 四、四八〇、二一八 雜支出 六六〇、一一八

總計 四、三九四、〇六六

外國貿易品。雖有少許羊毛鳥羽象牙等。殆不足言。惟金鑛產額。逐年增進無已。千八百九十七年之輸出額。核其總數。有千一百六十五萬三千七百二十五磅。而是年輸入為千三百五十六萬三千八百二十七圓。

千八百九十七年輸入表如左 磅

奈靱爾 一、二八〇、六二九

奧凌資 八七一、七三八

羅蘭梭港 八一、三三二

喜望岬 一、四二七、四四七

歐羅巴 八、六二七、一三六

其他之各國

五四五、五四五

總計

一三、五六三、八二七

共和國常備軍。備砲兵一隊。電信兵一隊。砲兵隊將校二十九人。下士八十三人。兵卒二百八十八人。電信兵隊將校一人。兵卒十五人。全國常備軍如是而已。然當一朝事起。干戈猝動。國民自十六歲以上。迄六十歲。皆就役。據千八百九十四年所調查。共二萬六千二百九十九人云。噫。與堂堂之世界強國爲對抗。使區區之共和國。得獨立大鵬蔽空。起於一卵。洪波捲地。濫於勺水。不亦偉哉。

梭齊蘭德

特國有拊庸焉。曰梭齊蘭德。千八百九十四年十二月十日。及九十五年二月十四日。經英特兩國。兩次締結條約。得歸特國統治。其東境接葡萄牙殖民地。及敦嘉蘭德。其南西北三面皆環以特國轄土。面積有一萬八千四百四十平方基魯米突。人口有四萬一千人。內千人爲白人。邦有酋長。今王名宇被猷。其內政則爲自治體制。其

裁判則一本近世法理決之。租稅納之特國。政費仰之特國。千八百九十七年之支用額。爲四萬一千九百八十七磅。而王廷所收入在二三千磅之間。吁特國之東藩如此。

奧凌資自由國

烏則有鵜。魚則有鱈。既過特蘭斯法爾。更前進大陸之南。復有建國於高原之上者。仰觀纏度。則自南緯二十七度。百三十一度間。北帶法爾河水而與特國相唇齒。南繞奧凌資河流。而與喜望邦分畛域。東橫德拉坑白耳克山。而接壤奈韃爾。及卡夫兒利。西瀕兩大河合流。而與英領占利佳爲比隣。其面積有十三萬千七十平方基魯米突。此何國耶。曰奧凌資自由國。

何以曰奧凌資。曰因國祖波爾等。去喜望岬。涉奧凌資河建國於河畔。故定是名。猶之其同胞之越法爾河以建國。遂稱特蘭斯法爾也。然此河也。何以稱曰奧凌資。曰因十八世紀中和蘭之奧凌資家。管領此地。故定是名。或曰。河水常帶橙黃色。故以

水爲名也。二說未知孰是。按奧凌資者
橙黃之義

按史所記奧凌資國之創建。在千八百三十四年。而其得全然爲獨立共和國者。則在五十四年二月二十三日以降也。五十四年四月十日。制定憲法。次則六十六年。暨七十九年。兩度改正之。議會曰福爾克拉德。議員之定額爲六十。議員之年限爲四年。由人民直接選舉。其選舉人資格。必年在二十一歲以上者。其被選人資格。必年在二十五歲以上。有五百磅以上財產者。共和國大統領。亦由人民直接選舉。每任五年。蓋與北鄰同胞國之制同。今大統領司答英。舉於千八百九十六年。奧望頗洽。

統計全國人口。白人則七萬七千七百七十六人。(內男四萬零五百七十一人。女三萬七千一百四十五人)黑人則十二萬九千七百八十七人。(內男六萬七千七百九十一人。女六萬七千七百九十六人)共二十萬七千五百零二人。此多數之白人中。有五萬餘人。非建國之主人翁。卽同胞之波爾人。至於宗教。則多爲和蘭改革

新教。是故觀於白人中之種族及宗教如此。可知奧凌資之國基。比特蘭斯法爾尤鞏固焉。

白人原籍國名人數表

原籍	人數
本國人	五一、九一〇
喜望邦人	二二、一一六
特蘭斯法爾人	一、〇〇二
奈韋爾人	八六九
西古利佳人	五六
歐羅巴人	二、五四九
其他國人	二一四
總計	七七、七二六

各種人所奉之宗教派別表

教派

人數

和蘭改革新教

六八、九四〇

懷律央教

七五三

安古康教

一、三五三

路的央教

三一二

加特力教

四六六

猶太教

一一三

其他諸教

一、八〇九

宗教未詳者

三、九七〇

總計

七七、七一一

歲入以輸入稅、登錄稅、地租、林稅、郵便稅、免許料等爲主。

三年間決算表

歲入 磅 歲出 磅

一八九六年 三三四、七七四 三八一、八六一

一八九七年 三、四七〇、九〇七 三、二六一、六五四

一八九八年 九〇三、五六三 九七五、一一八

國債則據千八百九十八年二月二十八日所核。合新舊共二百十萬磅。國家財產。則有土地建物鐵道等。價在五百五十萬磅上。

千八百九十七年之外國貿易額。輸入有百二十三萬千六百九十九磅。輸出有百七十九萬四千二百四十二磅。其重要輸出品。為羊毛。(百三十八萬零九十五磅) 其他為駝鳥羽牛羊皮革牙角金剛石等。(四十一萬四千一百四十七磅)

奧凌資自由國。與特蘭斯法爾共和國。自十年前有戰守同盟之約。今大統領司答英就任以來。愈堅前好。益加鞏固。故及英特釐開自由國同仇敵愾。痛癢頗相關。又千八百九十八年七月一日。與喜望邦有關稅同盟之約。九十八年五月二十日。

奈韋爾亦預其約。成三國之關稅同盟。

計千八百九十七年鐵道之延長。國家所有線七百二十二基魯米突。民商所有線三十七基米。又有郵便局四十處。附立郵便局百十三處。國家所有電線長三千四百十基米。電信局建三十八處。鐵道電線長千七百五十基米。電信局建二十八處。全國之兵備。用義勇兵制。現役者三年。其常備軍兵制。現役將校四十人。下士十二人。兵卒百人。又有豫備役四百人外。則憲兵百八十一人而已。

全國所藏之火器。有七十五密里口徑克虜夫式野砲十四門。速射砲一門。機關砲三門。及其他砲六門。

惟國中一朝有事。自十八歲至六十歲之公民得服兵役者。悉可從戎。數約二萬。嗚呼。所謂國民皆兵者。此之謂歟。

都府

國兄弟也。政兄弟也。波爾人兩國中美善之都府不少。今試論其首要者。

特國首府曰普律脫利亞。地位在南緯二十五度四十六分。占鱈河之河源。高出海面千四百米突。是高原中高原之都也。當闔族波爾人去奈韞爾。而建國於特蘭斯法爾也。適普律脫利猷司。卽大統領之位。以此遂爲特國首府。厥後國民慕一世之遺德。舉其子普律脫利猷司二世爲大統領。千八百五十五年。取其名而列爲首府。稱普律脫利亞。今有人口八千。其鐵道則起點於此。東至葡領臺拿哇灣之羅爾梭港。南帶謝哈奈波爾右邊。連絡奧凌資及喜望岬諸鐵道。電綫亦架通各地。

賚克爾克作普律脫利亞記曰。南半球隆冬之際。普律脫利亞地。一晝夜二十四時。間。時酷寒。時酷暑。循環往來。朝時凜冽。至午前九時而寒暑表降至零點下五度。寒威刺膚。迨日光正照。陡如炎帝御宇。午後三時。寒暑表遂昇至零點以上二十五度。炎熱如坐爐。耐此條寒條暑之氣候。自非強壯健康之身體。不可深山惡澗。詰屈蟠鬱。乃生龍蛇。偉哉波爾人。

若欲確當評此普律脫利亞。賚克爾克則又記之曰。謂爲都會。不可謂爲村落。不可

殆謂爲萬間大厦。數椽小屋。遠近散布之一廣大園囿也。可試入普律脫利亞府。周覽其街市坦坦大路。方幅甚廣。直綫延長一里二里。日本出府外沿長堤。至田舍。其一縱一橫之街角。無不爲直角。大路左右古木蒼葱。遠連雲表。樹色蒼老。冬不落葉。凡住民往來。非騎馬則駕牛車。是幽雅一古畫圖也。吁。是何處耶。是即蠻族所襲。英人所逼。獨立之氣。所磅礴。自由之心。所貫注。而性而習。而習而性。之農夫之牧夫之波爾人所建都之處。

普律脫利亞。雖如斯靜閑。然乘鐵車南下。經五十基魯米突。入謝哈奈波爾時。則光景倏變。頓爲一熱鬧之都府。此都府爲金礦地之中心點。人稱之爲金府。良非過言。

此都府之初發見。廣大無比之金礦也。冒險者。逐利者。挾資者。力作者。如蛇赴壑。如蟻就甘。早爲都會基礎。於是千八百八十六年。和蘭技師謝哈奈利西庫。作組織都會地步。牽繩劃地。分配市街。指畫道路。而金力膨脹之處。地僻不能阻。路險不能阻。

數千之牛車。紛紜絡繹。搬運一切材料糧食器械。而至翌年。遂具一都會之規模。因報技師功績名之爲謝哈奈波爾。厥後僅閱四年。人口已盈五萬。又閱一年。頓倍其數。至十萬二千七百十四人。就中白人五萬一千二百二十五人。占總人口之一半。由是以後。未至三年。已達十五萬。較之普律脫利亞。之由八千而一萬者。其繁閑之差度。可想像而知。

蓋普律脫利亞爲平和而靜謐之都會。而謝哈奈波爾則爲熱鬧而繁密之都會。鐵道電綫。連絡都府與津港。從四郊金礦。輸入無量黃金。試移步市上。有粗大牛車。有奢華馬車。有電氣鐵道。有火輪瀛車。騎馬而來踏車而去。如櫛比如機織。十丈紅塵。氤氳而起。且此都府。尙在建設時代。故木工泥工石工土工。工業肇興。木窟茅廬。殘楹破柱。次第絕迹。而壯大宏麗之寺院堂塔。樂部鍊廠。肆店劇場。旅館銀行。及礦山社會諸事務所。日新而月異。

因此府之殷闐。日盛月旺。加以府民之數。十萬有餘。而半爲白人。於是一府之勢力。

漸震動全國。而白人中之多數。即法爾人之百年仇敵。盎格魯撒克遜。是也。因普律脫利亞府。日起繁盛。府民早建自治制。而盎格魯撒克遜人。遂逼共和政府。欲與波爾人。同得一切參政權。選舉權。是實爲特國盲人瞎馬。夜半深池之大危險問題。其結果。乃爲千八百九十九年英阿之戰局。

其他特國之都會。由普律脫利亞東北。距東二百八十基魯米。突遠有利。但波爾。同爲地方都會。人口約三千。四郊亦產金地。距首府之東。百二十四基米。沿鐵道綫路。有密特波爾。人口約一千八百六十五人。距謝哈奈波爾。東西不遠。有哈特白耳克山。最後距普律脫利亞西南。百五十基米。朝法爾河之慕伊川。其邊方有濮鳩福德爾地。是皆爲地方都會。特國龍興地。即普律脫利亞也。人口約二千五百。溯其命名之緣起。因建國元勳。實推三傑。曰普諦得爾。曰胎爾輔。曰脫康司脫倫。遂合三傑之名。而定爲是名以紀念之。

若夫由鐵道發普律脫利亞。斜交謝哈奈波爾。踰法爾河。則可入奧凌資國境。既入

國境益南下。過國之中央。橫墨特河而前。即爲自由國首府。菩羅福天。其府離海千三百七十米突。其纏度在南緯二十九度十四分。自千八百九十年開行鐵道以來。南鄰接喜望邦。北鄰接特蘭斯法爾。本府爲自由之波爾人。揮白鐵拚赤血脫英吉利。羈絆建自由國基礎之第一府。取名菩羅福天。花泉之義抑又何愧焉。據千八百九十二年之調查人數。白人則三千一百十五人。黑人則二千七百二人。總計五千八百十七人。賚克爾克作此府遊記曰。遊花泉府。花稀泉枯。欲求一新旅館憩足。渺不可得。然却無鑄鐵場之熱響。嘈亂人耳。與製造場之黑煙。眩亂人目。空曠之地。瓦屋雜處。碧落如拭。氣候平均。空氣宜人。人民健康。安知他年。非公子閨媛駐車之地乎。此評良確。

奧凌資國內。近花泉之南境。有司密數爾得。赴東方奈鞞爾之達爾磐港。沿海有溫波爾。有哈利司迷。皆爲要地。

金礦

波爾人所業。爲農牧。爲狩獵。故奧凌資及特蘭斯法爾。優游自適。樂天安命。當是時。誰。夢。想。此。農。牧。之。新。建。國。後。爲。閻。浮。陀。金。國。乎。一。千。八。百。六。十。五。年。維。爾。吞。勃。爾。希。人。名。加。爾。漠。西。者。來。遊。此。地。勘。知。麻。勒。陪。列。蘭。德。南。境。上。太。基。一。帶。之。金。礦。區。始。製。特。蘭。斯。法。爾。之。地。質。圖。復。行。瑪。勒。拿。瀾。得。更。發。見。金。礦。因。加。爾。漠。西。爲。德。人。遂。定。曰。維。廉。曰。俾。思。麥。克。曰。毛。開。之。德。名。此。實。爲。搜。索。金。礦。者。之。權。輿。繼。而。有。住。於。奈。勒。爾。之。英。人。名。勃。爾。登。者。發。見。利。但。波。爾。州。及。蔘。得。磬。波。爾。一。帶。金。礦。亦。各。取。業。務。上。之。隱。語。以。名。之。後。又。有。德。人。亞。爾。頗。立。得。蘇。格。蘭。人。麥。克。辣。闌。及。住。於。喜。望。岬。之。英。人。墨。奇。至。發。見。地。頸。中。及。沙。土。細。礫。巖。石。內。之。金。塊。金。脈。一。千。八。百。八。十。五。年。有。名。哈。離。特。拉。陪。者。至。繩。幽。鑿。險。揭。於。世。曰。特。蘭。斯。法。爾。西。南。境。上。一。大。廣。土。南。環。林。波。波。河。北。抱。法。爾。河。其。地。有。含。金。跨。爾。之。混。合。礦。礦。脈。蘊。蓄。五。道。夾。行。長。亘。五。十。基。魯。米。突。此。風。揚。於。特。國。大。統。領。古。魯。家。賴。於。其。地。建。一。道。名。曰。維。德。華。吐。司。蘭。得。今。日。喧。傳。世。界。之。蘭。得。金。礦。州。蓋。畧。稱。也。

特拉陪爲創見此金礦。一攫而獲巨萬利。歸喜望岬。遂有冒險者。風聲蟻集。磊磊廣土。各爭先競富。成大戰場。然皆徒手空拳。點金無術。不久而各潰散。

彼有力之諸社會。席其餘蔭。得漸次收買礦區。整頓完全之器械。使役僱之黑人。探深入險。爲探礦事。由是利源泉湧。晝夜不息。金額與年月增加。至千八百九十七年。而株式大會社。已有七十二。力食之白人。則有八千六十人。力食之土人。則達七萬人以上云。

數年以前。此磊磊廣土。爲羣鹿遊息地。僅波爾之獵夫。結隊往來耳。時移歲易。一轉瞬而高原壑谷。悉爲採鑛之場。繁昌富榮之謝哈奈波爾府。忽在中央。而鐵道之縱橫綫。則串普律脫利亞。而通葡領土羅蘭梭港。貫哈利司迷而達奈爾爾之達爾磐港。橫與凌資菩羅福天而連喜望岬之開襪塔溫港。蛛網纏結。周達四方。輸送便宜。運賃低廉。金之產出額。與輸出額。愈益昂進。

始則金之產額。每月平均僅七千奧司內。未一年而每月平均。得十萬奧司。或二

十萬奧司。至千八百九十七年。則每月平均。更至二十五萬奧司以上。其銳進程度。有目不暇接者。

金出產額

一八九四年

二、〇二四、〇〇〇奧司

一八九五年

二、二七七、〇〇〇奧司

一八九六年

二、二八一、〇〇〇奧司

一千八百九十七年之產金及輸額之州別表

地名	出產	奧司	輸出	磅
維脫華吐斯蘭得	三、〇三四、六七八		一〇、五八三、六一六	
特加爾波	一一三、九七二		三九八、九〇二	
利但波爾	五〇、九四二		一七八、二九六	
克羅克斯脫耳甫	八四、七八一		二九六、七三三	

薛得磬波爾

一三三三

七九一

梭齊蘭德

五、二二〇

一七、九二二

其餘諸州

一七七、四六五

總計

一一、六五三、七二五

千八百九十六年。壽模惹侵入。干戈頓起。而金鑛產額。尚銳進無已。越年而增額益夥。踰出額至千一百六十萬磅以上。

十二年間金輸出額

磅

一八八四年

一〇、〇九六

一八八五年

六、〇一〇

一八八六年

三四、七一〇

一八八七年

一九六、四〇六

一八八八年

九六七、四一六

一八八九年	一、四九〇、五六八
一八九〇年	一、八六九、六四五
一八九一年	二、九二四、三〇五
一八九二年	四、五四一、〇七一
一八九三年	五、四八〇、四九八
一八九四年	七、六六七、一五二
一八九五年	八、五六九、五五五
一八九六年	八、六〇三、八二一
一八九七年	一一、六五三、七二五

逐年增進之度如是。比較世界產金額。約占有三分之一。而若大鑛產。若大鑛息。爲有力諸會社所壟斷。壟斷者誰。外來人之鑛業的「信謝開脫」及合資的組合會社是也。其富力之日增。正炎如薪火。蕩如洪水。有壓倒波爾人。農牧侵害波爾人。獨立。

之勢則不相靜謐。之特國得不爲之攪亂也。哉。吁。波爾人之鑛。波爾人不自採之。而他人採之。致使人得其利。已承其弊。波爾人殆所謂開門揖盜者歟。何怪乎盜憎主人耶。

他如銀鉛銅諸礦。千八百九十四年以來。亦增其量。金礦地亦產石炭。梭齊蘭德并產錫質。

石炭產出額

一八九五年

一、一三三、四六六噸

一八九六年

一、四三七、二九七噸

一八九七年

一、六〇〇、二一二噸

金剛鑛

法爾河與奧凌資河兩河濼抱處。中有平原。曰古利佳。即今所謂古利佳蘭德是也。此地金剛鑛區。當千七百五十年時。傳教師摹南阿地圖。已泚筆記之。歲月幾經。迄

無人探索。至有人稍稍注意。則已在千八百六十七年以降矣。

爾時和蘭商人凝開爾克。偕駝鳥獵夫。嚙律臨旅行斯地。夜宿一村農家。見小兒手玩一石。光明赫奕。一望而知其爲寶石。因乞得之。攜歸故國。出而示人。果金剛石。後喜望邦太守。沙福利部德司。以五百磅重價購之去。凝開爾克以爲奇貨可居也。重尋舊地。再往索之。遇壑天德之牧子。藏有一大粒。以數牛羊易之歸。得價四百磅。後此石轉售於英國國家。竟獲二十九倍之利。今日世界中所稱爲「南阿星」者。即此寶石也。

由是勸礦苗者。項背相望。趾踵相接。千八百六十八年。法爾河畔。布尼愛爾地之礦山首開採。越二年。鑛山週圍。克立普德利脫地方。白人之來僑寓者。數已盈萬。是年布尼愛爾東南十一里。岫他防之邊陸屏崧地。更發現一鑛。越七十年。又於牛勒司。即新會流域啓發一大金剛礦。曰古爾尼基。曰白耳脫封吞。於是四方業鑛者。不期而來。

薈萃於此。

金剛鑛既開。自由國方定地名。設政廳。漸佈統治之策。而孰知虎狼之英。覬覦此富饒天府。已非朝夕。竟乘此時。命喜望邦太守。加模弗爾。率一隊兵。施其巧取豪奪手段。於千八百七十年。盜有克立普德利脫地。翌年橫佔牛勒司。襲取古利佳。而露版布告。均稱爲喜望邦屬州。古利佳則曰西古利佳。蘭德克立普德利脫則曰巴耳克立牛勒司。改名犁巴來。卽與今日黃金都府謝哈奈波爾並稱之。金剛石都府犁巴來是也。

奧凌資怒英人之無理。詰之。責令反地。英詭對曰。斯地乃嘉馥爾酋長。讓與英國者也。奧凌資烏得過問。由是詰辨不休。交涉滋起。自由國提議曰。當舉此問題質之德國。英國以此舉不利於己。仍不允。於是日往月來。情隨勢異。古利佳蘭德諸地。終爲英所囊括。日後英特釐開。自由國軍旅馳入其地。其以「古利佳蘭德爲自由國之一分」揚告於衆者。職是故也。

幸也。自由國內與古利佳蘭德接界處。金剛礦脈。尙有留遺。業鑛者猶稍獲滿網之

魚以博微利。近今採取所得。每年約有四十五萬磅以上。然其間事業一如特蘭斯法爾金鑛。全握於外來人之手。即評定價值。亦均由「信謝開脫」之衆。執其牛耳。任其操縱。所謂信謝開脫者。即塞西爾羅脫是也。嗟乎。象齒自焚。其果然耶。多藏厚亡。其信爾耶。殊不解爲奧凌資者。其古則佳蘭德諸地。當鑛山未現之前。何竟視同甌脫耶。必鑛業既盛之後。而始計及結網耶。楚植晋材。吾於奧人何取。耶鳩占鵲巢。吾於英人何責耶。

第二篇 新建國史

南阿之發見

新大陸土地之得以經營也。人盡推美於閣龍。烏乎知千百年以上。嘉蘇謝人。已驥足早馳。駛風帆浪舶。而著其航跡矣。蘇彝士地峽之得以開通也。世皆歸功於栗塞蒲。烏乎知紀元前二十六七世紀之間。埃及國王。已祖鞭先著。導紅海地中海。而貫其源流矣。南阿之發見也亦然。檣司奧斯達加瑪二人者。世所盛稱。固所謂近今經營南阿之鼻祖矣。而抑知探新地。遺古蹟。使後人典數之者。實遠在二千五百年前之埃及王也。請言其畧。

當紀元前六百年時。埃及王奈加哩。欲究阿弗利加之四圍。命僑寓埃及之腓尼西亞人往探之。腓尼西亞人。蟻船發紅海。循岸南下。閱三年。得達謝蒲拉爾他海峽。再航地中海。歸埃及。初。腓尼西亞人之出航也。緣舟小不能容載多物。途中食且盡。乃登陸種麥。秋穫再行。因而致費三年日月云。此爲周遊阿弗利加。及發見南國之權。

輿。

昔希臘史家赫洛德

史家之元祖紀元前四百八十四年生四百六年歿

遊埃及。一埃及僧與語。且爲述航海

紀事曰。船始發。每日出。光射左舷。及巡南角北上。每日出。光射右舷云。赫洛德編史草時。錄之編中。但當時赫洛德雖知此事。而實未知其果已週行弗洲與否。故不敢據以爲信。錄諸附記而已。至今日地理之學大闡。世界可指諸掌上。則於此古航海者之事。夫復何疑。

上古記載。荒渺無稽。搢紳先生難言之。欲知南阿。請自近古始。自葡萄牙由西班牙分出而建國。騰躍於地球表面。以殖民政策爲國是。於是冒險家。踵接出海表。探尋新地。至紀元千四百八十六年。有名棧司者。達南阿入臺拿哇灣。閱十一年。奧斯達加瑪復踵其後南航。遊蹤抵颶風岬。即今日所謂喜望岬者。自是南航之人。皆泊舟於此。而奧斯達加瑪之名。因以大振。

和蘭法蘭西最初之殖民

越奧斯達加瑪百五十六年後。有創南阿殖民業。負第一先登名譽者。即和蘭之東印度社會是也。溯自千六百五十二年。東印度社會占喜望岬。相土於高卓山下。此爲殖民嚆矢。即今日英領南阿之首府開襍哈溫者是也。至一千六百八十五年。則法蘭西人繼至。時法國舊教復起。楠脫之宣告破壞。

法國新舊兩教紛爭已久。法王顯理四世在位。發新教自由之宣告。於楠脫保

護之故。謂之楠脫宣告。至路易十四世廢此宣告。新教徒大困。

新教徒失奉教自由。遂相牽去法國。中有若干人。來喜望

岬。與和蘭人共張殖民地步。由是二百餘歲。人種習俗語言。無不相混。遂成今日阿弗利加百姓波爾人種云。曾聞旅行其地者曰。彼處新民如條脫阿如。仿哥如費廉等。負法人之名者。隨地皆是。則波爾人種。半祖法人。於此可見一斑已。

法人蒞羅南阿紀行曰。向以爲貧無立錫之地。家無隔宿之糧。而猶慕夜留賓。呼酒與飲。出食與食者。惟我法人。有此天性。有此豪舉。而孰知於南阿克蕾脫嚇幾漫蘭脫之地。距南阿殖民地中心點數百里。竟得邂逅遇之。

余偶經此地。時值昏夜。四顧荒涼。不知何往爲是。正奔走間。忽見一廬舍。燈火之

光。微透戶外。意以爲僦居於此者。必波爾人。就而叩戶。僦借棲宿。主人啓扉出。視之。果波爾人。余偶不措意。口操英語。主人吸煙自若。瞠目不答。忽屋後女子聲應曰。是殆英人耳。余至此。始知操語之誤。乃急易蘭語曰。否。余法蘭西人也。主人聞之。且訝且喜。急握余手。延余入座。叩其姓名曰。維沙岫。且云。先世亦法蘭西人。僑居於此者。言次。呼細君。攜香菲饗客。賓主之間。備極款洽。余於此時。一若忘其身。爲旅客云云。

初法人移居斯地。和蘭人贈之以金銀。饋之以食物。分之以家畜。更以瑣珠溪及象牙溪爲其住地。二地頗饒富。即今所謂法蘭西角者是也。

抑此抱憤出走之法蘭新教徒。皆屬良民。頗有智慧。善工業。諳農務。其走入英國者。爲英國工業之權輿。而其走入南阿者。尤造殖民之極點。至今全地物產。若葡萄等事業。亦僑寓法民之所齋來者也。惟其如此。故勢力漸大。東印度社會。頗忌憚之。日謀抑壓。然法人勢力既大。願望亦奢。欲舉行建教堂。選長老。集社會。及傳教等事。東

印度社會。因據爲口實。益欲行其破壞法國殖民之手段。且當時太守西蒙汪特爾斯脫兒。堅忍有才。頗注意於會社。因欲保護喜望岬之和蘭人勢力。故於蒞任之始。即改良土功。開闢園塲。樹木於山。植材於地。其於栽培葡萄一事。誘掖獎勵。尤爲竭力。其餘成蹟甚多。不勝枚舉。後其子阿脫利。養汪特爾斯脫兒。於千六百九十九年。來繼斯任。頗仇視僑寓之法人。以爲彼等勢力。增加。恐蛟龍終非池中物。不如早爲抑制。免生他慮。屢以此意達諸政府。於是安斯忒耳丹議會。議決條件。自千七百九十年始。公牘禁用法文。至二十四年。卽神事亦禁用之。由是法人之語言風俗。漸移其舊。百年以後。全與和蘭相合矣。

阿脫利養妄徇社會。代謀利益。固不下於其父。然性多嗜好。貪慾無厭。和法兩國之殖民。咸厭惡之。恒欲呈公狀於安斯脫耳丹議會。以訴其無狀。事覺被捕。有流竄於木麗斯島。巴塔亞鹿萍島諸地者。有逮回本國者。中如法人謝脫梭。及米人愛爾等。以名列黨魁。終身禁錮不釋。

雖然公憤所激動。非一人勢力所能壓制。和法衆殖民相聚議曰。與其困於苛政。何如去而求安全之地。徙自由之鄉乎。所謂求安全地。徙自由鄉云者。實天啓其衷。使波爾人種開拓阿弗利加之起點也。而法人瑰瑣模富蘭梭條脫哀鳩兒條普來實首導之。由是向北進者日不間斷。久而久之。遂組成波爾人一大社會。弗羅氏記之曰。威之所逼。勢之所迫。其足發人思想哉。波爾人以不甘束縛於虐政。起獨立之思想。以遷徙爲目的。遂不惜棄其田廬。離其鄉土。率其家族。驅其牲畜。以安居無事之身。蹈耳目未經人煙斷絕之鄉。勇往直前。了無顧忌。雖其所以立國者。以求安全地。徙自由鄉一語爲之原動力。然福在斯禍亦在斯。波爾人國頻遷家。屢徙活潑自由。漸厭都會好棲田舍。遂有離群索居之習。故與他國僑寓之人民終不能相安無事。此強鄰干涉之禍。所以連綿不絕也。呼斯言也得之已。

波爾人雖相率去。喜望岬。至千七百九十三年。和蘭人尙安全保此殖民地。然此時人間歷史上。有一空前絕後之快舉。即法國人民對世界宣言人權之事是也。河出

伏流一瀉千里。獨立風潮披靡。一世南阿一角亦被波及。於是波爾人奮然起。屹然立。昂昂然頭戴自由巾矣。

初英人頗覬覦此地。適法國共和軍入和蘭。和蘭大統領出奔倫敦。英人乃得所假手。干涉南阿之獨立。提督愛爾芬聲率艦隊來侵。獨立黨奮勇當之。因衆寡不敵而敗。俟千八百二年。阿密洋條約成。而喜望岬仍歸和蘭。千八百六年。英和之釁再開。肅達維脫倍爾之軍來襲殖民地。太守祥陞猝不及防。殖民地爲英軍所占。十五年復結約。而良好之喜望岬永歸英國版圖。嗚呼。休矣。

英國軼下之波爾

波爾歷史者。慘淡歷史也。以慘澹始。將以慘澹終乎。彼一度開闢殖民之地。而卽爲和蘭壓力所困。乃甫脫和蘭之羈勒。復入英國之樊籠。英國經占領喜望岬。敷政統治。事事物物。悉拗波人之性。就中如鄰邦蠻民之關係。及奴隸之役使。尤爲衝突之甚者。蓋波爾人使役奴隸。習以爲常。不自知其殘酷。因當地曠人稀之際。不役使奴

緣無所收其利益。於是故常之性與利己之心相合而反對英國政府之寬待奴隸政法。千八百十一年。公布保護奴隸法。人民叛亂者二次。每次死於刑者以千百計。即刑場之絞首臺亦爲之損傷云。

千八百三十四年。英國政府執法。實力廢止奴隸之事。波爾人憤恨益甚。怨力所積。復釀成反抗。以力不敵。遂決計棄父祖之田園。相率而去。喜望岬。倘使英國廢止奴隸之舉。不如是之銳。則波爾人距離政府之心。決不如是之甚。然以網私利忘公益之英國。竟能不問利害。盡此義務爲人道進。一步是亦絕無僅有之舉。英國歷史上。此其可傳者已。

雖然。自波爾人觀之。是一絕大之要問題也。蓋以英人奪其奴隸業爲己。甚況其餘諸新法。壓抑而干涉之者。更不少耶。波爾人於是舉其田園莊宅。可售者售之。可徙者徙之。可棄者棄之。驅牛羊。載車馬。輦妻子。攜眷族。或百以羣。或千以隊。團團積踵。遙向北方荒寥之地而進。

當時慘狀爲何如哉。林林羣衆。猝離鄉土。且行且止。迄無定向。且老幼偕行。進退無節。或中於瘴癘。或迫於獅鹿。不必刀兵。始爲之敵。即此困頓道途。已不堪設想。而况國門甫出。蠻人即邀襲於中路。至此驚弓之鳥。喘月之牛。鳥得不心寒魄悸。乃振臂一呼。病者四起。其中一團隊。竟能戰勝蠻族。麥達部落酋長麥依加爾。而於千八百四十三年二月二十三日。建設一新國於奧凌資之河北。掀天拔地。振古鑠今。是即所謂奧凌資自由國者。吁壯哉。

又其北進者。爲波爾人人數最多之一羣。誰統帥之。蓋法人之苗裔。而勇敢冒險之比藹德路帖甫是也。以同族建國於奧凌資河北爲未足。乃橫德拉坑白耳克山。下山腹而出東北。目力所射。足力所駐。得一曠遠綿邈。直達海濱之樂土。即奈鞞爾地是也。是時爲蒔羅屬地。乃進攻之。蒔羅王廷康。夙聞波爾人勇敢。暨酋長比藹德路帖甫驍勁名。知不能力敵。乃僞許割地。誘比藹德路帖甫與盟。路帖甫信之。率其徒九十六人赴青冠湍上游之王都。廷康歡迎之。締結條約。款待殊優。越兩日。路帖甫

將辭去。王暗傳令。伏兵數千。一時颺起。波爾人之被殺者七十。時羅乘波人無備。遂出兵。殺白人及擊吞德基人。男女老幼。六百有餘。此爲千八百三十八年事。至今青冠湍猶留殺泉之名云。

勇矣哉。波爾人也。一聞警報。怒髮直豎。時衆僅三百五十。咸結束起。誓決死戰。直趨時羅都城。廷康率二萬衆。圍之數重。波爾人殊死鬪。終潰圍出。是役也。殺敵千人。而波爾人戰死者僅十人。雄矣。偉矣。蔑以加矣。惜乎。禍水東流。將星西殞。所謂法人苗裔。比藹德優父子者。竟同死於難云。

越六月。羣推安得來耶普律脫利猷司爲將。將波爾兵九百。大炮一門。再征時羅。與廷康鏖戰於血河之濱。波之。殺三千人。遂拔王都。入其城。則曩被殘殺之七十人。白骨纍纍尙在焉。檢甲冑遺蛻。始得認路帖甫之屍。并其手記之日錄。與當時奈韞爾條約。亦在其側。一軍視之。罔不揮淚。乃祭而葬之。是爲千八百三十八年事。

翌年。波爾人復進兵討廷康。三戰俱捷。於是時羅勢日蹙。廷康之弟邦達。弒兄代立。

乞降於波爾。立誓永爲藩屬。波爾納之。

波爾人以血戰取奈韌爾。喘息稍定。方欲建國。不意又爲英吉利所掣。先是蒔羅王轄加。暴厲恣睢。虐人民。賣奴爲。奈韌爾人口日減少。村落晝靜。人煙牛稀。千八百二十四年。英人因而唱保護生民之說。以其國爲英吉利保護國。然亦有名而無實。蓋當時英人政策。僅金克及福爾懷爾二人主持之。乘蒔羅王之顛預。而創建小殖民地於達爾磐地。迨轄加子廷康嗣。千八百三十二年。舉兵侵小殖民地。英人相率奔避。或逃於近島。或匿於軍艦。厥後波爾人大勝廷康。戡定奈韌爾。風潮漸平。千八百四十年。喜望邦太守拿被亞。忽以保護蒔羅爲名。使太尉司密。率戍兵二百五十。進達爾磐港。謀襲控克辣之波爾人。波爾人邀擊破之。奪其砲二。英遂大舉進兵喜望岬。七月五日。復戰。惜波爾人以衆寡不敵。大敗。於是大好河山。遽爲敵有。喜望岬殖民之屬地。再進而爲英國專制殖民之地。一千八百五十六年。三進而爲英國自治殖民之地矣。

南阿共和國之創建

奈。鞞。爾。既。入。英。國。之。手。矣。爲。波。爾。人。者。奈。何。甘。屈。其。軛。下。耶。神。龍。天。馬。性。本。難。馴。於。是。乃。有。第。三。次。之。大。遷。徙。創。議。者。誰。即。曩。者。征。服。蒞。羅。抵。抗。英。國。之。大。豪。傑。安。得。來。耶。普。律。脫。利。猷。司。其。人。是。也。同。心。協。志。去。奈。鞞。爾。再。踰。德。拉。抗。白。耳。克。山。脈。舊。路。北。進。橫。法。爾。河。而。手。造。濮。鳩。復。德。爾。模。及。克。律。爾。克。德。爾。夫。二。疆。土。名。曰。特。蘭。斯。法。爾。特。蘭。斯。法。爾。云。者。橫。法。爾。河。而。建。國。之。義。也。自。此。舉。一。發。英。國。益。銳。意。思。鎮。服。之。厲。兵。秣。馬。萬。里。長。驅。躡。遷。徙。之。波。爾。人。後。追。及。於。蒞。模。婆。拉。撒。一。戰。克。之。募。有。能。得。普。律。脫。利。猷。司。首。者。賞。萬。金。而。英。雄。矢。志。百。折。不。撓。普。律。脫。利。猷。司。搢。行。行。之。淚。拚。縷。縷。之。血。鼓。侃。侃。之。氣。秉。錚。錚。之。心。慷慨。激。昂。益。自。奮。勵。獅。吼。一。聲。鵬。舉。千。里。率。手。創。特。蘭。斯。法。爾。之。共。和。國。身。膺。特。蘭。斯。法。爾。之。大。統。領。遂。於。一。千。八。百。四。十。八。年。與。奧。凌。資。自。由。國。左。提。右。挈。伯。薰。仲。篋。而。鞏。固。不。拔。之。基。業。於。是。乎。定。

普。律。脫。利。猷。司。崩。普。律。脫。利。猷。司。二。世。被。選。爲。第。二。大。統。領。始。新。建。共。和。國。首。府。波。

爾人緬想普律脫遺德。如美民之思念華盛頓者。故即名其府爲普律脫利亞。未幾普律脫利猷司二世。以事蹶辭職。衆舉部爾噶司爲第三大統領。盛行改革。固定共和國基礎。先是波爾人與土蠻積不相容。頻年戰鬪。而大統領部爾噶司。又與英人廢止奴隸一事。適成反對。故於使役奴隸一事。不稍禁止。英遂據爲口實。向共和國啓干涉之地步。

一千八百七十七年。英國交涉委員。塞蒲司墩。率騎兵一隊。入普律脫利亞府。留兩月。威恫共和國議會。使緣英屬。曉口兩月。議會不納。與大統領共峻拒之。遣使倫敦。訴其無法。英廷不之顧。時波爾人以內外多難。姑爲屈巔求伸之計。以維持大局。於千八百七十七年。四月十二日。宣言從來稱南阿共和國之地。概爲英屬也可。於是廢南阿共和國之國號。僅稱特蘭斯法爾云。

當時世界多持激論。謂英旣可以如是之口實。蠶食南阿共和國。德亦可以如是之口實。鯨吞瑞士聯邦。同時和爾暨比利士兩國之學者。羣起倡正義。普告世界。痛言

英國之非理無法。然英國褻如充耳。置若罔聞。連亘四年。此四年中。稱爲英國暴制時代。

當時波爾人含垢忍辱。以待時機。適英國有事於蒔羅蒔羅。勢頗猖獗。英軍失利。波人以時會已至。不可坐失。遂相議起兵。將軍諦勃爾一指揮間壯者。執戈弱者。齎糧行者。捍衛居者。保守即喜。望邦之波爾人亦饋送軍資爲一臂助。勢乃大振。

時英國比空寺非爾德爲內閣。簡派援軍。往征壓之。波人聞之。愈憤激。大小數十戰。英軍屢敗。就中以千八百八十一年二月二十七日。阿瑪岫勃山一戰爲尤劇。將軍諦勃爾以百五十兵。破奈鞞爾太守確利所領英軍七百。計殺傷生擒者共二百七十。而波軍之死傷者。僅九人而已。先是英國爲制馭特蘭斯法爾。已浪費二千萬餘磅。斯時又遭此大敗。始悟特國之不可以力屈。遂於千八百八十年三月二十四日。與共和國三統領古魯家諦由爾普律脫利猷司媾和。八月三日。乃締結普律脫利亞條約。由是共和國得恢復內政之自治權。惟關於外政者。受英國女皇之監督。英

遣駐劄官駐於普律脫利亞首府。復用南阿共和國之名號而獨立之。基業於是點睛。後共和國終以國權之限制爲憾。屢與英國交涉。經千八百八十四年二月二十七日締結倫敦條約。得再擴張自治國權。凡與奧凌資之條約。共和國自主裁之。與其他各國之條約。經英國女皇承諾。共和國自締結之。於是乃改前之駐劄官爲特派之外交官而獨立之。基業於是燒尾。

吁。不。入。虎。穴。焉。得。虎。子。波。人。至。是。始。得。安。樂。窩。矣。而。古。魯。家。締。勃。爾。普。律。脫。利。猷。司。三。傑。之。英。名。亦。於。是。轟。轟。烈。烈。騰。躍。世。宙。意。者。天。其。將。降。大。任。於。斯。人。歟。而。抑。知。天。心。猶。未。悔。禍。也。砲。火。之。戰。甫。收。平。和。之。戰。又。起。蒼。蒼。者。天。既。生。波。爾。人。何。又。生。盜。格。魯。撒。克。遜。人。而。迭。爲。之。敵。耶。

鐵道問題及壽模菘之侵入

當波爾人草創南阿共和國也。鑛產事業不甚注意。既而國內蘭得地方發見一豐富之大金鑛。投機者冒險者航海梯山遠自歐洲各國近自阿洲諸殖民地項背相

望踵續而來。蘭得之中央遂變成繁盛之都會。即所謂謝哈奈波爾是也。時普律脫利亞首府。人民不過一萬。而謝哈奈波爾人口已早達十五萬。其勢概可想見。於是虎狼之英。翻然變計。換兵力併吞之策。爲經濟侵略之謀。操縱其外交手段。求敷設鐵道權。俾普律脫利亞謝哈奈波爾與喜望岬接成一線。此平和之侵略。較炮火之伎畧。茶毒尤甚。大統領古魯家洞察其陰謀。乃於印度洋之濱。葡萄牙轄地臺拿哇灣羅蘭梭港。自設鐵道。凡經此港登鐵軌者。往來之商品所輸出入。稅概予豁免。此鐵路綜特國方里僅三百基魯米突。若英人之由喜望岬起線。則有千三百基魯米突。遠近既分。遲速顯異。况又有免稅之利益。商賈自然輻輳。而英國新侵略政策。遂不得行。吁。古魯家誠狡矣哉。

謝哈奈波爾之龍翔虎躍。勃興如彼。其原動力。厥惟金鑛。坦坦大道頓開。綿綿鐵軌時築。電線漫空。電燈照地。已組織成一都市。比首府更覺壯大。試問其權輿。則膽大之冒險家。資本案家。技術家。鑛山家也。試問其國籍。則十之七英人也。於是此外人

相議欲進敷市政。向普律脫利亞政府。要求共和國選舉權及參政權。且請減金鑛課。新市賦。及各種重稅。善駁駁。乎有喧賓奪主之勢。況以新市之人口。與首府相較。幾十五倍。富厚亦遠過之。即一角智力。波爾質樸之農民。豈英國狡獪之市民。敵乎。若一日。予以選舉參政諸權利。不特一國政權終非波有。即百戰經營之共和國。仍歸入深讐積怨之英人掌握矣。職是之故。故古魯家政府。固拒不納。而新市人民。仍堅執如初。

於是諸新民漸蓄陰謀。有於麻塔陪列蘭德地方。部署一切者。鑛山會社。暨英國特許會社首長。密翼助之。千八百九十五年十二月三十一日。前英會社董事壽模崧。集社會之新募者。冒險者。成子弟兵六百。機關炮二架。驀向謝哈奈波爾進發。英國諸人民。壽模崧諸黨友。翻兵內應。一鼓而下。

共和國將軍諦勃爾偵知敵謀。簡波爾兵百人。伏謝哈奈波爾郡西古魯家德陸地。中道邀擊。一戰而殺敵百餘。壽模崧以下。咸生致之。是役也。無一門小砲。僅以步兵。

從事而射擊警敏。彈雨如注。先奪英砲手。英砲乃不能用。遂能以區區士卒。當六倍之貔貅。勇往直前。大獲全勝。事後檢點。特兵僅失二人。故今日古魯家德陸之役。與曩者阿瑪岫勃爾山一役。天下無不服波爾人之膽勇。噫。特國之興。有自來已。

大統領古魯家闊達大度。籍壽模崧以下諸捕虜。悉返英國。請其處置。時南阿之英國特許會社首長。爲塞西爾羅德。其爲人也。蠶目豹心。頗著詭謀。壽模崧之暴舉。半其所嗾使。而事又牽涉喜望岬太守。太守與首長抗疏英廷。力辯其無。

初德皇維廉有奮翻南阿之志。會英人之暴舉。發共和國之憤激。形於辭色。乃乘此機緣。電致古魯家許爲聲援。古魯家得電。發公告。暴塞西爾羅德之陰謀。向英國求審判。於是英政府亦不得代辭其罪。遂召還羅德及壽模崧。各點綴以形式的裁判。壽模崧則受兒戲之輕刑。而羅德終獲無罪。時英人輿論。以二人所爲。皆愛國之舉。稱揚不置。至以英雄目之。而兩國敵愾之心。於是乎日益增矣。

第三篇 英阿最近之衝突

衝突之一

南阿共和國之建國也。屢受英人之荼毒。經營百戰。始贏得獨立地步。故凡關於僑寓人之勢力。無不週慮。共和國憲法。於獲得參政權一事。早已規定。預爲佈置條件。今案其所規定。第一院議員。由直接選舉充之。被選者之資格。必生於國內一千八百七十六年五月二十九日以降。居斯地者。選任大統領軍總督暨總理大臣等。皆第一院議員。握選舉權。此第一院議員之選舉人。則住居國內十四年以上之公民。第二院議員之被選資格。必住居國內四年以上者。選舉人則爲住居二年以上之公民也。

一千八百八十五年維脫華吐司蘭得州。發見一得未曾有之金礦。外人之來者。如蟻就甘。未出二年。竟組成謝哈奈波爾之一府。甫經十年。一府人口。已達十萬二千以上。中核白人約五萬餘。斯時首府普律脫利亞之人口。僅八千餘。新府之繁盛。概

可想見。是以特國之富饒。以蘭德一州爲中點。蘭德之富饒。以謝哈奈波爾一府爲中心點。特國政府。重倚此爲國用之源。而其課稅。亦與國用爲正比例。然以特國之憲法。於獲得參政權。有重大條件。故有多數之僑寓人民。不能得此權利。然僑寓人民之希望此權者。非一日已。

但此來住之外人。其數至多者英人也。而英人足跡所經。不攫取其權利不止者。英人之特質也。況英人貪得無厭。即授以參政權。亦不足以飽其欲。觀壽模崧之侵入。可見一斑。以是特國政府。不允所請。且自壽模崧亂後。舉國咸有戒心。一千八百九十六年。公布外國人移住法。外國人放逐法。暨新聞法。有更加嚴待外來住人之旨。英人之怨乃益甚。然自共和國而言。則亦不得已耳。

會一千八百九十八年十二月。英人有違法者。波爾憲兵捕而欲致之死。於是謝哈奈波爾府之英人咸憤起。於次年開會集議。時謝哈奈波爾之波爾人。亦重視此事。相率赴會。議論之下。頓起爭鬪。拳槌相搏。互有損傷。於是衆英人二萬一千六百八

十四人。連名上書。經駐特之英國外交官古靈及喜望邦太守密珥拿轉達英政府。求爲保護。且請行干涉手段。書中枚舉特政府之無狀。不可不急取參政權。并陳欲得開鑛炸藥之販賣自由權。爾時普律脫利亞府波爾人九千。亦連名上書於大統領古魯家。指斥英人上書於英主之無理。古魯家遂傳示駐英特國領事。并飭其辯明事實。

是年五月。謝哈奈波爾之英人。蟄伏奈韜爾地。密整兵備。欲步壽模菴之武。特政府誦其隱。捕主謀者七人。於是波爾人嘲英人曰。朝菌不知晦朔。螻蛄不識春秋。其英人之謂歟。一倡百和。異口同聲。後特政府顧全大局。以事無佐證。擬釋放之。而英人亦極言其枉。波爾人不平。力駁詰之。兩國之人。相怨益甚。於是人心洶洶。僑寓謝哈奈波爾之人。促裝就道。退至喜望岬者。踵日相接。

當謝哈奈波爾之英人之開會集議也。普律脫利亞府之波爾人。怒其妄舉。欲創一撲滅壽模菴紀念會以報之。而特政府頗持重。制止此舉。以期平利了事。觀五月十

九日哈特白耳克古魯家之演說，概可知矣。其詞曰：我共和國現行憲法，凡外人之寓居我國，在二年以上者，許入籍，得選舉第二院議員之權。再閱二年，乃得爲被選人。其身得入第二院爲議員，自是復十年，得享有完全之公民權。然余恒欲減縮此十四年之制爲九年者矣。歐美各國，凡他國人之旅居其國者，概以五年得公民權。今揆之我國情形，固有不能行者，何哉？彼則主民多，客民少，初無喧賓奪主之虞。太阿倒持之勢，而我則客民多，主民少。綜計本國人數，時約一萬二千，不足當僑寓民三分之一。僑寓人約四萬。雖欲仿效歐美，終不可得，爲今之計，擬暫改爲九年制，似覺兩得其平。其所以然者，殊屬不得已耳。

古魯家復告僑寓之外人曰：炸藥販賣權，雖不能許與，價值低減則可耳。蓋欲以是調和外人與英國維持平和也。而豈知英國措意全與相反。於是兩國衝突更進一步。

衝突之二

南阿兩人上書於英政府也。英內閣准其所請。未幾。殖民大臣強霸倫移牒特國。指摘稅政。要求寄寓之外人。於五年之後。得完全之參政權。鞏固英特之條約。且謂專賣爆發藥事。亦違背兩國條約云。

然外人參政權。不能仿五年之制者。人所共知者也。英國責人以難。特政府將何辭以應耶。惟覆之曰。不能從命而已。自是往返數四。各執一是。不肯相下。而事乃日就決裂矣。

於是輔車相依之奧凌資自由國。欲保持兩國平和之局。大統領司答英居間爲之調停。兩國乃各派全權委員。赴奧凌資之首府菩羅福天開會協議。一千八百九十九年五月三十一日。特國大統領古魯家。英喜望邦太守密理拿。咸赴會開議。密理拿提出兩問題。一爲賦與參政權之事。一爲專賣爆發藥之事。古魯家亦提出三問題。一爲隸梭齊蘭脫於版圖之事。千八百九十年經英承認爲特保護之國 一爲定壽模松侵害償款之事。一爲英特兩國紛議未決。宜以仲裁。據理而斷 決判之事。辯難反復之間。密理拿不

甚固執爆發藥專賣問題。古魯家亦不甚主張梭齊蘭脫合併問題。互有讓步。惟議至壽模崧侵入之償款事。則少梗。密珥拿方欲以此問題付入仲裁判決。而古魯家并舉參政權問題。與兩國一切紛議悉附之。於是兩國意見。致大衝突。

密珥拿所提議之參政權問題如左。

一 外國人享有參政權之年限。必爲五年。以期與前議相符。

二 改客民隸籍時之宣誓法。於爲遵守法律之市民。及防護特國之獨立外。毋庸再設他誓。

三 許與新人民亦有議會中相當之代表權。

四 客民隸籍後。即付與以完全之參政權。

古魯家提議如左

一 凡他國人之在特國者。非居住二年。不得入籍。非入籍後經五年者。不得予以十分之參政權。

二凡在一千八百八十六年前。住居特國之外人。此後復經二年。始可享受參政權。

三凡鑛產各地之人民。嗣後選舉議會代表人。得擴充其數。較今日爲多。

四客民隸籍。最要之規律。至最少之數。必須有百五十磅之財產者。或有五十磅

賃貸價之房屋者。或有二百磅之歲入者。始爲及格。

五凡隸籍人民。必證明前住之國。曾否享有公民權事。

六入籍時之法。與奧凌資國同。

此會議自五月三十一日。至六月五日。中間星期停議外。餘五日。皆協議時也。密珥拿就參政問題。固守五年之說。又不容仲裁決判之提議。議終不合。奧凌資之居間調停。至是亦歸無効。

夫特國之於容民參政權問題。其不能行五年之制者。觀古魯家演說之詞。已可概見。然特國明審內外情勢。正欲將九年制。稍改減之。乃英人要請如彼。古魯家不得

不再讓一步。提議七年之制。是蓋案現行憲法期限。已減十分之五者也。使英國而果無調和之意。則已。苟有調和之意。而猶不之許。夫亦非人情矣。故密珥拿於會議中。先折衷兩國主張。欲提議六年之制。五月二十二日。以此意電達本國政府。請訓示。而抑知英政府不以爲然。二十四日。外交部覆電曰。會合時。當提我國所主張參政權問題。以壓逼之。彼自然慚伏云云。由是以觀。英人無調和之意。彰彰明矣。協議不成。固其宜也。吁。強權公理。兩不相容。英歟。特歟。其誰曲歟。

衝突之三

菩羅福天之議裂。兩國全權委員。拂衣去花泉之都。事益滋大。然而爲古魯家者。尙欲內繫僑民之希望。外保鄰國之和平。六月十三日。會議參政權法案。提前所會議於花泉府入籍條件之一者。更發議二百磅之歲人。減爲百磅。翌十四日。議會決可國民認可。即喜望邦之「阿弗利康特」黨。亦首肯之。惟有欲擴張勢力之僑寓英人。爲聲援密珥拿之政策。

至七月十八日。共和政府再付議會討論。客民參政權法案。決可入籍必要條件。次就政府所提外人居住年限九年事。由進步黨引菩羅福天會議之報告。一如大統領當時之意見。爲七年制之修正說。議論頗詳。該黨員某質問曰。減九年而爲七年。得不虞妨害獨立耶。古魯家答曰。如彼密理拿所提議。必以五年爲制。爾時特國人民。不更受外人壓縛耶。況乎九年期限。失之過久。未免滋蔑視外人權利之疑。故政府納七年之說。而不稍存顧慮也。若此。庶可以潛消英人干涉之念。長保己國獨立之基。而合世界之輿論云。

副統領兼軍總督諦勃爾。復衍其說曰。當局者自定七年制限。不與議會協議。或慮議會反對。今議會自提出之。可爲欣幸。即特國之獨立。與將來之安寧。可爲預決。而何有瀕於危險之虞耶。是案由大眾之決可。其明文曰。

決可前所定住居特國者。總以七年得享有參政權。

此議決之發表。露版告世。特國人民。群知不得已。奧凌資暨喜望。邦諸一阿弗利康。

特一黨亦贊其成。於是歐洲大陸各報盛稱特國拓仁讓之地步。進平和之階級。而德意志「烏嚒斯」報論尤明晰。其論曰。觀特國利害之關係。若法若德若俄。亦何減於英國。新法一行。人民應得參政權者。幾達萬五千人。此中不特英人而已。即德法之民。實繁有徒。夫亦何懼乎爲波爾人之所壓縛哉。今也共和國之讓步如彼。使英國政府亦能和平辦理。則兩國紛議之根株。可從之而永絕矣。乃英國政府黨諸新聞紙。則弄筆嘲罵。謂特蘭斯法爾挾此以愚英國。英內閣實不顧云云。因是七月下旬。奧凌資雖派其大臣福西愛爾。再出而竭力調停。亦終歸無濟也。

衝突之四

當此時也。就英特從來之關係上觀之。則更有可記者。自一千八百八十一年。普律脫利亞條約成。雖開獨立之基業。其內政尙繫英國之主權。未能杜其干涉。況外政哉。於是特政府曰。求改訂條約於英國不已。終有一千八百八十四年倫敦條約。今按倫敦條約。凡關特國外政者如左。

特國非經英國女皇承認。不得與各國國民。及在特國東部西部民族。締結條約。惟與奧凌資自由國交涉。不在此例。

受領條約草本。以六個月內爲限。凡與英國。及英國領土之利益。有衝突者。於六個月期限中。不通文牒。是英國政府。已經默許。特國政府。直視爲已經承認。

此所謂倫敦條約是也。其於內政無所限制。一如普律脫條約。並無言明爲英國主權文字。因是共和國政府。謂普律脫條約。已因倫敦條約而廢。故特國握有自治全權。惟外政稍受限制耳。按之事實。如共和國所主張。普律脫利亞條約。幾同全行廢棄。而英國所主張者。與之全反。謂普律脫條約。不得因倫敦條約而廢。故共和國內政。英國猶有干涉之權。

此主權問題。見解衝突。連年不絕。兩國之間。照會往復。不知凡幾。無端忽又挑起參政權問題。爲競爭點。故兩國見解。因事情迫切。益增激烈之主張。五月九日。共和國大統領。移牒於喜望邦太守密珥拿。曰我南阿共和國。現在保有絕對的自治權。非

由一千八百八十一年暨八十四年兩條約而得。實自我國一個國際上之主權。固有之權利而來者也。七月十三日。英殖民大臣強霸倫覆牒曰。主權問題。我英國政府。無待與共和國討議。共和國雖自稱爲國際上之主權國。然於法律上與歷史上。毫無鐵證。我英政府。一概不能明認。英政府搜歷史之事實。披列王之公表。以狄普律脫克利亞條約。縮倫敦條約。故特國政府。致有今日。一言中的曰。『英女皇陛下。恩惠所逮。已十分矣。』由是以觀。參政權問題之紛糾。不亦宜哉。

衝突之五

兩國所恃以相爭者。名雖專在參政權。而彼此主眼所達。實均在主權問題也。八月二日。強霸倫更移牒於共和國。謂當新組織混合調查委員會。提議前月特國議會所協議改正之選舉法。審查其決定之當否。一若重演菩羅福天之會議者然。實則否也。何則。前日之委員會。不過提出兩國之意。與預備後來調和之法。協議而止。今殊不然。夫改正選舉法。共和國議會之議決所確定者也。斷其當否。權屬於彼。若一

且聽命英國。委之委員會。審查決定。是進認英國之主權。顯招干涉內政之端矣。強霸倫之殖民策何其狡哉。

然則爲共和國者。將何以拒絕之乎。唯戰而已。而古魯家矜慎持重。尙欲不事兵革。而使英國承認共和國之主權。於是翻然變計。將共和國明明不能相從之五年說。亦姑容之。遂暫擱調查委員之照會。而易之以主權公認之問題。八月十九日。更爲一新提議。移牒於英國曰。

一 如英國所主張。隸籍人民。享受參政權。以五年爲限。

二 議會議員。總數三十六人中。准以隸籍人民。八人參列。

三 新市民亦與舊市民相同。得選舉大統領暨軍總督。

四 此次干涉。嗣不爲例。將來英國於南阿共和國內政。絲毫不得干涉。

五 以後英國對待共和國。不得參越共和國主權。

此新提議達英政府。強霸倫用其操戈入室伎倆。退讓者微笑納之。請求者嚴辭斥。

之。此。公。政。畧。陰。狠。險。詐。愈。出。愈。奇。九。月。八。日。發。覆。牒。曰。

特。爾。斯。法。爾。欲。爲。國。際。上。一。箇。之。主。權。國。無。論。此。事。英。國。不。能。允。許。即。此。問。題。本。政。府。亦。置。諸。不。論。不。議。之。列。惟。與。僑。寓。五。年。之。外。人。以。選。舉。權。及。增。加。蘭。得。地。方。之。議。員。及。外。國。人。與。土。著。者。得。舉。大。統。領。與。軍。總。督。之。選。舉。權。利。一。律。同。享。等。語。果。能。事。事。照。行。不。致。有。名。無。實。則。本。政。府。不。待。躊。躇。自。可。逕。行。畫。諾。但。經。特。國。選。充。之。新。議。員。臨。議。會。時。常。享。有。國。語。自。由。不。得。強。以。特。語。以。上。條。件。特。國。政。府。果。能。照。諾。嗣。後。僑。寓。特。國。人。民。瑣。事。本。政。府。決。不。再。行。干。涉。此。覆。

是。時。於。僑。寓。五。年。之。外。國。人。得。參。政。權。一。事。尙。未。議。定。乃。再。提。前。議。構。成。混。合。調。查。委。員。會。之。目。的。於。開。普。塘。地。方。再。開。兩。國。委。員。之。會。議。

此。覆。牒。未。達。普。律。脫。時。兩。國。決。裂。之。勢。間。不。容。髮。古。魯。家。知。不。和。之。局。已。壞。終。屬。無。可。挽。回。遂。於。八。月。二。十。八。日。發。追。牒。於。英。國。撤。回。前。者。一。切。新。提。議。既。而。英。之。覆。書。至。九。月。十。五。日。古。魯。家。復。發。第。三。次。之。牒。告。於。英。政。府。曰。

前奉達而旋又撤回之提案。本由貴駐使古靈氏之勸告。本共和政府。因重信義起見。故大統領古魯家氏。竭力贊成此舉。以期保全和局。並非漫然提議主權問題。至我共和國議會。許用外國語言一事。本政府非無允許之意。惟恐議會承諾終不可得。至於再開兩國議會委員集議。此事雖屬可行。惟因該會有不能付議之件。故轉不得照允。本共和政府。係確守一千八百八十四年條約者。近曰紛議諸事。總期兩國和衷共濟。付諸仲裁裁判。竊所忻幸。

混合調查委員會。特國所不許。公正之評判。英國所不願。兩不相容而決裂之機。乃愈迫。

衝突之六

九月二十二日。強霸倫忽變前議。復提出新要求之件。致牒於共和國。其大要曰。曩本政府於九月八日。所頒調和交讓之目的。殊屬完善。乃共和國於本政府所提出條件。竟不承諾。實所遺憾。

南阿共和國。果能舉英國所許與之獨立條件。誠實履行。則本政府亦何至于涉其內政。

本政府交涉目的。意在使入籍南阿之外國人。得直接之代表權。俾異日本政府。免爲彼等而起干涉。故援曩者本政府以自治特權。與特蘭斯法爾住民之成例。以爲要請。願共和政府。善體此意。俾外國人得公平之待遇。庶自今以後。彼等外國人。可向共和政府得要求之權利。此事瞭如指掌。不容誤解。爲欲此目的。故本政府九月八日通牒中。所提條件。不可缺一。乃特國政府。遲疑至四閱月。仍行拒絕。夫以四月之久。不能結五年間衝突之局。今後即再開議。亦不問而知其無益。本政府有鑒於此。滅竄更炊。一換塗徑。特注意於本問題之考究。上所不得已者。俾特國數年間政畧上所生爭議。可以從速了結。故將別構提議。致之特國。一俟構定。當再電告。

九月二十五日。由喜望邦太守。將此牒傳達共和國。大統領古魯家曰。是不過爲英。

國準備戰事遷延時日之老猾手段耳。乃介奧凌資自由國。要求英國開示新提議。及停止兵員增發。英國答以反對之辯曰。本政府之增發兵員者。因特國已準備戰鬪。不得不爲防禦計也。於是共和政府更於九月三十日發照會曰。英國新提議。請以十月二日爲限。十月一日由喜望邦太守密珥拿電達英政府。強霸倫即日覆電曰。本政府提議。今尙未定。數日中當宣示。請少安毋躁。

嗚呼。蠶尾有毒。困獸猶鬪。爲共和國者。其何以堪乎。一千八百九十九年十月九日。發一牒。舉四事。致英國政府。決答之期。以十一日午後五時爲限。於此限內不答。即作英國宣戰論。其牒曰。

南阿共和國。致書於大不列顛。兼愛蘭國女皇陛下之政府。兩國交涉。迭更歲月。是否從違。在此一牒。自今以後。不再饒舌。茲請與貴國重申一千八百八十四年倫敦條約。該條約中第十四條。所云確保白人之在本共和國。享有一定權利者。言猶在耳。今據述之一。凡非內國人。而遵奉南阿共和國之法律者。或偕家族同

居共和國各地者得享有或旅行或居住之權利。二彼等於房屋店舖倉庫庭園製造場得享有或賃貸或占有之權利。三彼等得享有自行通商或使適當人代
行通商之權利。四彼等身體財產以及通商工業除按現在共和國人民已經納
稅與將來須行納稅者一律照納外其餘一切國稅與地方稅概不課及條約所
載如是即貴政府保護外國人民之在本共和國者亦如是而已若於此等權利
有所侵害則貴政府自應詰責至外國人之身分權利問題悉在本政府及議會
權限以內是不可不申明者。

本政府及議會既有理處全權則本國人民之參政權及選舉權自在其中無庸
爭辯。惟本政府爲顧全交誼姑與貴政府協議貴政府不得認爲應有之權。
當本政府制定關於參政權及選舉權之現行法律時於交誼上頗留餘地。乃貴
政府於協議之際竟不顧邦交動加恫嚇致本共和國及南阿全部之人心因而
憤激而貴政府猶與本政府參政權之法制選舉權之議決意見不合竟以一千

八百九十九年九月二十五日通牒。聲言另行自定結局條件。謝絕交誼。此事自本政府觀之。殊覺違背倫敦條約。以該條約所載本政府內治問題之權利。貴政府本不得參越也。

因參政權及代表權事。兩國交涉頗形籐葛。致阻礙商業。損失甚大。貴政府急於決事。至九月十二日。提出通牒。即九月八日之牒限以四十八時回答。本政府於十五日。即行電覆。二十五日復接通牒。竟有交誼中絕之意。且謂結局條件。不久宣示。而至今並未接有明文。殊屬不解。

貴政府提議既不宣示。忽又簡派軍隊前來。屯集我國附近地方。迫思昔日壽模。赫侵入之事。頗覺合轍。不得不目此軍隊為搖撼我國獨立之軍隊。正擬議間。而報告英國軍隊舉動可疑者。不一而足。本政府萬不得已。乃派共和國良民。出為準備。

貴政府違背倫敦條約。干涉我國內政。并增兵於我國附近之地。舉動殊為非理。

本政府因顧共和國及南阿全體起見。頗望速了此事。共保和局。故舉四事。達於貴政府。惟貴政府裁酌之。

一紛爭諸事。兩國均須和衷辦理。

二凡在共和國境上。英國軍隊。即日撤回。

三一千八百九十九年六月一日以來。英國兵員。曾入南阿各地者。可定一相當期限。盡退至南阿以外。本政府亦於此時。撤回武裝百姓。

四凡英國海軍在南阿沿海者。不得登陸。

以上四條。甚望貴政府於千八百九十九年十月十一日午後六時。回答若逾此時不答。則貴政府已默有宣戰之意。本政府一切不任其咎。且在此期限。軍隊不即撤退。本政府即據爲宣戰之証。并附及之。請諒。

千八百九十九年十月九日

南阿共和國總理大臣賚圖

喜望岬殖民地太守密珥拿閣下

十月十日午前六時四十分。此牒達於英國政府。是夜十時四十五分。強霸倫發密電。斥密珥拿曰。

接十月九日來電。本政府深詫閣下。竟能代達此種要求之件。茲姑勿論。閣下可向該國政府告曰。如共和國政府所要求條件。英國政府。無從得其端緒云。於是兩國和局愈壞。翌十一日。駐特英國外交官。撤公館。退出普律脫利亞府。

衝突之七

抑英國從事於阿弗利加政畧。已非一朝一夕之故。自強霸倫爲殖民大臣以來。尤竭意經營此事。謀畫縱貫南北鐵道。意欲舉大陸中之一分。以一掌掩之。而其政畧。竟能着手奏功。千八百九十八年。與法人尼羅河之上流法賽達之爭。幾決裂。而強霸倫出其柔軟狡黠手段。善爲周旋。終於樽俎之間。使法國交讓其地。九十九年春。遣塞西爾出使伯靈。以德領阿弗利加鐵道。貫串南北。往于德政府。塞西爾既至。遂

達來意。德政府許之。於是北自尼羅河。南達開普塘。正有所謂任君馬蹄蹂躪之狀。然阿弗利康特之本國南阿共和國者。恒仇敵視之。動輒障礙英人政畧。此其一且此黨之人。又散處南阿共和國。奧凌資自由國。奈鞞爾殖民地各處。爲數至多。勢力亦最大。其中猶推把持阿弗利康特朋德主義。即阿弗利加之事阿弗利加自處之意如美國門羅主義者。氣餒尤爲盛大。有昂騰而起之勢。此其二加以英國於經畧南阿。可爲根據。司爲策源之喜望邦。和蘭語尙爲議會之公言。其中半多阿弗利康特黨。首領賽資奈兒。現充喜望邦內閣議長。與南阿共和國。遙爲心印。此其三且也奧凌資自由國。十餘年間。與南阿共和國。立守戰同盟之約。其大統領司答英。尤爲阿弗利康特黨之有熱力者。現爲該黨首領。此人夙主奧特聯合爲共和國。以抵抗英吉利。此其四然而等阿利康特黨。所恃爲宗國者。則南阿共和國也。職是之故。故若不壓伏南阿共和國。則不特英國之阿弗利加政畧。慘淡經營。數更寒暑。不能奏功。且恐意外事端。將出於殖民地。蕭牆之內。故強霸倫對待南阿共和國。相機而動。鬱而不發者。非伊朝夕。會參

政權問題起。正強霸倫得所假手之時。乃從因於參政權問題。而主因於主權問題。然進而言之。主權問題猶從因也。阿弗利加政畧乃主因也。

因是兩國衝突之初。英國之決心已露。不可再掩。強霸倫常揚言曰。我英政府不能坐視我國之人。喘息於特蘭斯法爾虐政之下。必向共和國要得保護權利。況此權利爲一千八百八十一年條約所有者耶。今若不於共和國。匡其偏頗。解其糾紛。將釀成南阿全體之騷亂矣。一由是以觀。其真意不可見耶。

英國之真意如是。英國之決心亦如是。因是兩國之勢益決烈。強霸倫先增喜望。邦兵備曰。近來波爾之兵備大增。彼既如是。我亦得而爲之。但是時。尙不過托言增加常備兵。至六月。始遣大兵。至七月。則軍隊兵器。糧食彈藥。絡繹運入喜望邦。一若兩國之間。無可再議者。殊爲駭人聞聽也。八月三日。議會臨閉時。英女皇所下勅。中言南阿時局一節曰。

朕觀特蘭斯法爾。實不副朕平等優待。其一切舉動。礙我南阿領土平和之局者。

頗劇。

其措辭溫厚。蘊不露骨者。勅語之體也。然當兩國和平未破時。已有此等勅語。何怪英國軍隊。更於十月開戰以前。堂堂然壓兩共和國之境耶。

英之真意。決心如彼。其準備戰鬪如此。爲南阿共和國者。將何如耶。五月。南阿共和國。自接英人迫脅之通牒。即對全國國民。傳豫爲危急準備之警令。於是簡授武員。大發國民軍。時共和國以存亡所繫。所謂惡一惡英一之橫暴。老幼婦女。咸盟報國之心。士氣大振。

更觀奧凌資何如乎。夙蒿目北鄰之國難。大統領司答英。周旋兩國之間。恒望其平和了事。遂於五月六日。在自由國首府。開兩國全權委員之會議。無如英國要求過當。固執不讓。議遂決裂。司答英於是知戰之一事。終不可免。因思守戰同盟之義。輔車相依之誼。遂決意助特拒英。六月二十五日。議會已議決臨時軍費。當時大統領宣言曰。我自由國政府。不但不能強北鄰友國。容諾英人無厭之求。且與之夙有戰

守同盟之約。今日應據條約所載。盡最後之義務。自由國民。得此警令。遂大修戰備。同仇敵愾。不其壯而。

回顧喜望邦。則阿弗利康特黨。概心向南阿共和國。陽庇之。陰護之。無乎不盡。且喜望岬議會。半多該黨之人。而現任內閣議長。賽賚奈兒。實首領之。是以於南阿軍政上。便宜更不少。時英國盛送兵器彈藥於喜望邦。南阿共和國。與歐洲某國議。欲以其軍資。僱假道於葡萄牙領土。臺拿哇灣之羅蘭梭港。輸入國內。葡人因受英國脅迫。懼其威力。拒勿納。而孰知英國南方之根據地。喜望邦內閣議長。賽賚奈兒。當共和國軍資。過英領殖民地之一處時。竟置不問。聽其輸入。奧凌資自由國。於是英人黨大憤。該黨領袖古耳登氏。於是年八月之喜望邦議會。大攻擊賽賚奈兒之所爲。賽賚奈兒。平然答曰。『平和之際。輸送軍資條約。所許誰得而遏止之哉。今後不幸英特兩國開戰。我喜望邦殖民地。處中立之地。可耳。』即此一端。人心之向背。不亦可見也耶。

九月二十二日。英殖民大臣強霸倫發談判中止。新提議豫告之通牒。爾後共和國一再催促。而英人故遲延不發。共和國總統古魯家知英人此舉。不過藉延時日。爲預備戰鬪地步。十月二日。親臨議會。演說戰事終不可免。慷慨激昂。英雄本色。露於言表。其最後之公言曰。英國既不決意爲共和國者。皇天上帝實照臨之。亦唯有應戰而已。遂發普律脫利亞及謝哈奈波爾兩府之兵數千。遣之國境。

奧凌資自由國大統領司答英。亦覷破英人包藏禍心。九月二十七日。移牒於喜望邦太守密珥拿。使促英國從速提出預告之新提議。并責英國軍隊。不特逼迫共和國國境。且逼迫自由國國境。二十九日。強霸倫返電於密珥拿。即以曩所答共和國者。答自由國。且云所謂準備戰事。因南阿共和國政府。將變特爾斯法爾爲一大戰地。危殆我英國地步。我英國於此。不過防禦之而已。無他意也。於是調停之途終絕。詢諸議會。亦毅然斷然。決主開戰。以十月十一日。爲英阿兩國平和破壞之日。與密珥拿最後之通牒曰。英國違反千八百八十年之條約。其於公義正道。背戾殊甚。故

奧凌資自由國對待南阿共和國亦斷然踐守戰同盟之約云。是日更於國中宣言英國之不正不義。且云唇亡齒寒。自古皆然。南阿共和國滅亡之日。即奧凌資自由國滅亡之日。言辭慷慨大義凜然。舉國人心愈覺感動。無不髮爲之怒。而冠爲之冲。於是英阿兩國之戰局開。英國先發印度兵二萬二千。繼發本國兵四萬二千。十月九日。印兵始由奈韋爾港登陸。而兩共和國兵善於防禦。將軍諦勃耳已率兵先入奈韋爾境上。

第四篇 餘錄

南阿之人物

偉哉南阿之統領將相乎。以眇眇之小邦。敵堂堂之大國。拔天森地。再接再厲。其豐功其美業。直使天下人且歌且頌。且拜且舞。勿少衰嗚呼。堂矣皇矣。美矣茂矣。是不可不傳。

大統領古魯家。一千八百二十五年。生於喜望邦之巴吞昔克。至三十六年。年十一歲。伴其同族至喜望邦。自後從普律脫利猷司入奈鞞爾。後又從之而遷至特蘭斯法爾。時年十六。爲一旗兵。由是從各地之戰役。累進而爲司令官。濮鳩復德爾摩之戰。有偉功。英名漸著。

一千八百七十七年。塞蒲司墩之率軍隊入普律脫利亞府。廢南阿共和國之名。爲特蘭斯法爾。布告列國。稱爲英國領土也。波爾之政府議會。交起爭之。然以力不足。故志不得伸。於是遣委員至倫敦。訴其無理。嗚呼。如此捋虎鬚。探驪頷。委員誰歟。誰

歟。蓋古魯家一人也。翌年又爲委員。至倫敦。於是古魯家之名始顯於歐洲。

一千八百八十一年。揮白鐵。拚赤血。復南阿共和國。與普律脫利猷司諦勃爾爲三大統領。會英國全權委員締結普律脫利亞條約。一千八百八十四年。三次爲全權委員。起倫敦折衝樽俎。締結倫敦條約。使南阿共和國公認爲獨立自治國。

一千八百八十三年。始被選爲共和國大統領。八十八年再被選。九十三年三被選。九十八年四被選。負闔國人民之輿望。十八年間握大統領重權。使最爾之新造國一飛冲天。有今日之地位者。非斯人不爲功。

聞之古魯家之爲人也。剛毅有膂力。濶達有權畧。篤奉新教。有爲國民犧牲之心。雖至七十餘歲。精神矍鑠。老當益壯。臨大難而不撓。處事變而不驚。與智謀絕人之強霸倫。徃復辨難。不誤機宜。與強大無比之英國。抗爭對立。不退一步。可不謂豪傑之士哉。

古氏有七子。五十餘孫。凡大小國事。無不關與之。此際之戰爭。其六子在前進隊中。

任保國之義務。嗚呼。古魯家洵有國士風。

軍總督諦勃爾。其先人由法國而移居喜望邦。諦勃爾生於喜望邦之依謝塔滷。傍之康古。後從普律脫利猷司。遷至特蘭斯法爾。夙委身於軍務。興國之戰。轉聞各地。得驍勇名。遂隆隆焉。舉爲軍總督。

一千八百七十七年。英國加恣橫於共和國。古魯家一再赴倫敦責其不法。數爭之不聽。於是二人常爲獨立黨之首領。後諦氏與英國西善吞阿士律夫立亞蘭匈等交。諸人勸其服從英國。終守節不屈。其氣節有如斯者。

一千八百八十一年。將軍奮臂一呼。全國波爾人。皆揭竿而起。二月二十七日。阿瑪岫勃爾山之戰。以一百五十兵卒。破奈鞞爾太守確利之七百精兵。殺傷生擒者二百七十人。確利亦授首。於是英國知不易壓制。承認共和國之獨立。將軍乃爲三統領之一人。而結普律脫利亞條約。

一千八百九十六年。壽模菘之率兵六百。機關砲二門。而侵入也。將軍提一百兵。邀

擊於謝哈奈波爾之西方古魯家德陸。一戰破之。壽模菘以下。皆被生擒。是役也。與前阿瑪岫勃爾山之戰。並傳於世。然皆將軍力。吾於是服將軍之用兵。

將軍屢遊英國。頗知英國陸軍之竅奧。其爲人也。深沈而果決。能以寡擊衆。屢奏奇功。故闔國之人。深重將軍。稱將軍與古魯家爲國之雙寶。共和國之制。軍總督任期以十年爲限。將軍被選後。常帶其印綬。兼副大統領。今英特之開戰也。將軍總督全國軍事。親指揮奈鞞爾進入之波爾軍。

將軍幼失父母。家庭教育。及學校教育。兩不得受。而有今日之赫赫者。皆自修之結果。故將軍屢對人言曰。余未嘗受三日之教育。蓋冷罵世之不受教育而遊蕩者也。雖然。篤信新教。力行不息。每與人談。必引證聖賢之語。後南阿之和平破。將軍當出戰時。謂衆人曰。勝敗者神意也。共和國之存亡。不可逆科。余惟鞠躬盡瘁。死而後已。以報我國民而已。吁。是所謂盡人事而待天命者歟。

將軍容貌樸野。舉動疎放。然其談笑時。溫然如春風。其臨戰陣時。凜然如怒雷。能柔。

能剛邦家之光將軍哉將軍哉當壽模菘之侵入也舉國之怒如火燃人人欲得敵而甘心將軍亦其一人也既而壽模菘以下悉被生擒將軍欲盡置之死地雖大統領古魯家爭之不聽及圍桌而論難通脊將軍之意始釋出而見士卒曰鄰犬來我牧場殺我愛羊今其犬已捕將殺之而甘心乎快則快矣雖然羊死犬亦仆於事終無補甯交涉鄰翁賠償損害以還犬歟二三子其擇之將軍胸襟之雪亮於此可見一斑。

將軍六十餘歲精力不減壯時人無不贊歎其力行殆南阿之馬伏波也將軍之子曰齊塞夫亦頗有父風嗚呼將軍有子矣。

內閣總理賚圖曾爲奧凌資自由國之大統領後歸特蘭斯法爾舉爲內閣總理其所以孚與望者蓋南阿紛紛以來善輔助大統領而不愆其機宜亦當時之人物也。

此爲南阿共和國之三老。

大統領司答英 一千八百九十六年選爲奧凌資自由國大統領。司答英幼時有大志。夙憤英人之強梁跋扈。阿弗利康特朋德之熱心主張者也。先是十餘年。特蘭斯法爾曾與奧凌資有守戰同盟之約。及司答英爲大統領。重結之。其約益鞏固。英特之生葛籐也。司答英周旋兩國之間。排難解紛。唇焦舌敝。其意蓋保障特國之獨立。兼欲對「阿弗利康特朋德」而再進一步。如菩羅福天會議時。司答英之力爲尤大。後見險毒之英國。挾其權畧。頗危特國之獨立。乃導全國人民。共爲主戰論。使終守同盟之約。戮力爲北鄰執兵。當時司答英有言曰。南阿共和國滅亡之日。即奧凌資自由國滅亡之日。諸君子其合力同心。以當強暴之英。吉利嗚呼。意氣之盛。可謂壯哉。

塞賚奈兒 塞賚奈兒者。乃喜望邦殖民地之內閣議長也。在當時亦爲豪傑。身立英人之國。上戴英太守密珥拿。每與古敦斯普粒克及塞西爾羅德周旋。而賽賚奈兒處內閣議長地位。竟能提撕阿弗利康特黨。不阻撓阿弗利康特之主張。

南阿概論

混合二種民族鑄冶鎔化而生出一新民族者其特蘭斯法爾之波爾乎波爾人者和蘭人及法蘭西人之後裔也。兩人種之祖先移住於此二百餘年後其習慣其風俗其嗜好其語言其宗教其人種互相渾合而其民族之固然特質所謂合和蘭人之堅忍法蘭西人之英果而得不屈不撓之性者由來舊矣。況深山大澤乃蟄龍蛇南阿之地寒暖激烈適足以養成英雄之種子。地理學家替克爾克嘗言曰南阿隆冬七月之時朝夕寒暑表降至零點下五度。寒威刺膚日午寒暑表昇至零點二十五度。炎熱蒸人激變如斯。故能耐其氣候者必強壯健全之體。於是乎有波爾人斯言也。洵得之矣。

余僅識波爾二人其人皆身長六尺許。擊實而強壯。及質之曾遊南阿之人。則曰波爾之骨格性質概如斯云。夫其身既長大而強建其性質又堅忍而英果。若施以教育加以組織則皇皇乎鞭笞五洲號令全球也。亦未可知。何有乎以彈丸之南阿敵

蔽天之強英也哉。

波爾者和蘭語百性之義也。蓋此新民移殖以來，專以農牧爲業，不遑顧及其他。故人呼阿弗利加百姓，有波爾之稱。蒞羅有言曰：和法二種相合，而有此波爾人。彼實優等之殖民也。數十年以來，開喜望邦、開奈、靺爾、開奧、凌資、開特蘭斯法爾，今尙徬徨於那加迷湖畔。欲達阿弗利加之中心，彼將爲歐洲文明之先驅乎？何其前進之勇猛也！若求其倫於古史，則殆跋沙漠之伊士拉愛耳之諸子，而尙未達其本阿者乎？彼憤怒英人，深入骨髓。一言「惡英」，有無限之感觸者然。此所以終脫出英政之羈軛歟。

嗚呼！吾嘗見罹困苦受僨厄者矣。然未嘗見困苦僨厄有如波爾人者也。其移殖南阿以來，二百五十餘年，拓開襍，則開襍被奪。開奈、靺爾，則奈、靺爾被奪。立奧、凌資，及特蘭斯法爾，則仍痛受壓制。其足跡所經之處，卽爲攘奪逼迫者追躡之處。彼何人斯？嗚呼！則所謂盎格魯撒克遜族是也。且彼僅達最後之地，漸定獨立之基。功垂垂。

成矣。而從其內而亂之者。又起彼何人。斯嗚呼。則仍所謂盎格魯撒克遜族者是也。盎格魯撒克遜族。洵不共戴天之仇敵。彼之怨英人。恨英人。而指爲一惡英。也不亦宜耶。不亦宜耶。吾觀於波爾人困苦偵厄。尤有不勝言者。時而戰士鬪。時而鬪猛獸。時而罹洪水。饑渴疫癘。困憊之憂患。意者天將玉成之歟。不然。何蹙之甚也。

此次交戰之近因。自其內而論之。則所謂阿弗利康特。

波爾人及他族入波爾籍者

與維德蘭特之

爭是也。即農牧民與工商民之爭是也。顧比較南阿國之人數。前者雖多於後者。而比較其富力。前者實不及後者。況後者之富於狡智黠才乎。故一朝容後者之要請。以共和國之參政權及選舉權付之。則前者之所百年苦戰而始贏得之國鈞。將永歸後者之掌握矣。而自其外而論之。則即逼迫亘二世紀之久。屢嘗感波爾人之英國。波爾人目之爲百年之深讐者是也。今若一旦聽深讐之干涉。任其求則無限之干涉相繼而來。一國自治主權。終至盡失。是誠波爾之生死問題也。南阿國之存亡問題也。阿弗利康特人不出死力爭之。得乎。

於是彼等思之前進則有無限自由之樂。後退則有無限羈厄之苦。忍無可忍。同舉義旗。十六歲以上。奧凌資國十八歲以上。至六十歲之男子。共任兵役。於南阿共和國。得二萬六千人。於奧凌資自由國。得二萬人。合兩國之兵。總計不出四萬六千。舉四萬六千人。而敵強大之英國。毫無畏懼。毫無縮惡。忠肝義膽。爲何如耶。嘻。如南阿者。洵可風矣。雖然。波爾亦自有所恃也。波爾人及化於波爾之白人。即所謂阿弗利康特者。其於阿弗利康特朋德主義。久已鬱勃於胸。洋溢於口。今其氣燄益揚。直磅礴於南阿之天地。且其所謂阿弗利加之事。阿弗利加自處之者。何讓於門羅主義耶。雖然。其目的。惡乎。在曰。以特爾斯法爾。奧凌資。自由國。貫串。喜望。邦。一帶。通三國。而興一大連合共和國。以排斥英國勢力於南阿之地。是也。今在喜望邦之波爾人。有二十萬。其中五萬。倔強之兵也。其在奈韞爾之波爾。亦不尠。是亦隱隱然英國之一敵也。遙寄同情於兩共和國。是以於兵器軍資。偵察間諜。細作教導。牽勢詭惑等。波爾軍得不少之利便。觀英將加他克耳之軍。爲教導所誑誤。一軍敗績。其原因不可恍然。

哉。

且夫波爾之善戰，亦卓卓於全球矣。請言其前時，以百五十兵破英將確利之精兵七百，殺傷生擒確利之軍二百七十人。波軍之死傷者僅十一人，請言其後時，以步兵一百敵壽模菘之砲兵六百，爭鬪於槍林彈雨之中，使敵有砲二門而無寸效。終至英兵紛紛逃竄，壽模菘以下數百人，悉被生擒。而波軍所傷者僅二人，且其中一人，由波軍之誤殺，則死敵者僅一人而已。故波爾嘗自信曰：見強敵，不畏，會大兵，不亂，洵不誣歟。

加之其熱心宗教也，恐今日世界萬國，無有出其右者矣。蓋彼凡百之事，皆爲出於神意。父祖以來，經幾多之憂患，視爲神之試民，耐苦忍難，毫不挫折，故抗抵「惡英」也。謂出神之命，橫屍戰場也，謂效神之力，古魯家曰：共和國人，惟上帝之自鑒，諦勃爾曰：勝敗者神意也，共和國之存亡，不可逆料。余惟鞠躬盡瘁，死而後已，以報我國民而已。此非二人之一家言也，即謂爲波爾全體之代表，亦無不可。以是知彼見強

敵而不畏。會大兵而不亂者。非僅恃其勇敢精銳而善戰也。

夫波爾人既勇敢精銳。加以信教之道念。報國之義心。充盈五內。又加之慣於激烈之氣候。因釀其激烈之心胸。則其據天險而待長航遠涉之英兵也。英軍雖衆。其奈之何哉。

戰局將開。古魯家電報新約克之同情者曰。英國之目的。在欲使我兩共和國。屬其宇下。無得絲毫自治主權。然事不可知。吾人必欲英國出驚駭全世界人類之高價以得之云。

假使前時英相強霸倫稍下其意。諄諄與古魯家相議。從事調停。則不至挑發大難。而英國勢力。且得進一步於林波波及法蘭兩河域地方也。亦未可知。特英國之經營阿弗利加政略。由來已久。匪伊朝夕。自強霸倫爲殖民大臣以來。高掌遠蹠。定南北總貫鐵道之大計劃。意欲舉阿弗利加大陸之大分。盡操於手。其所以與法國折衝樽俎。而得拿耳河之上流夫西達者爲此故也。其所以與德國往復交涉。而得敷

設鐵道權於德領殖民地者爲此故也。不意北自亞歷山之港口起。南至喜望岬之海角止。方欲逞其任我馬蹄蹂躪之雄心。而阿弗利康特黨之宗國特爾斯法爾竟崛起而阻碍其政畧。於是英國以爲不於今一鞭痛撻之。以挫折其鋒。則彼之阿弗利康特者。立地橫生。而城門失火。殃及池魚。意外之變。或即起於南方重鎮喜望邦蕭牆之內。將奈之何。嗚呼。此強霸倫之所以即參政問題。而施其突進闖入之手段也。吾故曰。參政問題者。從因也。主權問題者。主因也。且主權問題者。亦從因也。而非利加政畧者。則主因之主因也。

果僅以強者之權利爲權利歟

盎格魯撒克遜於吾輩無所親。阿弗利康特於吾輩無所怨。今其二種人衝突於南阿之地。如秦越人相視肥瘠。不加喜戚於其心。雖然。天壤間有正義焉。正義者。是非鵠之也。

吾見夫世之論之者矣。大抵以推奉強者排斥弱者爲宗旨。噫。是何異視獅子與綿

羊之爭論獅子之所云然則云然獅子之所云否則云否也其不爲拉豐頓所囓者幾希其不爲伊束菩所笑者幾希且使他日編英阿交涉史者蒐收世界輿論竟惟以強者之權利爲權利也故吾輩爭之欲於兩國之間觀察正義之所在執秃筆泚殘墨以遺異日之作史者

自奧司達加瑪發見以來其涉千年足跡未經之喜望岬而先殖民於此地先開拓於此地者盎格魯撒克遜歟波爾歟曰波爾也取無主之地而收之則應得其土地所有權者先占者歟後占者歟曰先占者也然則一千七百九十三年波爾創建共和國於此地除阿蘭人外誰應得此利權哉而英國乃鷹瞵鸞視逞其併吞土地之故智破其國而奪其土是豈所謂重正義者歟但此舉爲阿蘭而起猶可說也然此舉決非爲阿蘭也其罪無可逃矣

波爾之脫英政羈軌拓奈鞞爾而建國也果何損害於英國哉且其制壓野蠻創立國家也予口卒堵予手拮据不知費幾許經營始有今日而乃毫不憐憫待其規模

初定。又從而逐之。英國之正義何在耶。或曰英國一千八百二十四年來。有奈韞爾之保護權。然此亦一孔之見也。蠻酋廷康逞殘虐時。英人之殖民。逃遁殆盡。惟達爾磐一港之間。隱約有英國勢力。遺存而已。保護安在哉。且波爾之得奈韞爾也。波爾之主長比謫德路帖甫。得於廷康之手。普律脫利猷司。又得於廷康後嗣邦達之手。以是觀之。當初占領奈韞爾之事。實盎格魯撒克遜多歟。抑波爾多歟。不待智者而智矣。

但於奈韞爾之地而逐波爾也。尙有多數之口實焉。波爾登山涉水。深入內地。國於特蘭斯法爾。亦可已矣。而必欲再窘逐之。以使之無以自存。果據何理。而爲此歟。况高懸萬金以募普律脫利猷司之首。夫普律脫利猷司爲何仇。懸金購首爲何事。野蠻之國時。或爲之文明之國。詎有是耶。且波爾建國以後三十年之時。英國已認其國政之自治。乃至一千八百七十七年。忽以兵力迫普律脫利亞府。欲壓服波爾。而蹂躪其內治。是耶非耶。不待辨矣。

言者曰。此次衝突之曲直。應於此次衝突之一事實斷之。此言誠是也。雖然。論其當今。尤當溯其已往。言者又曰。特蘭斯法爾。居有三十二萬之白人種。而半屬於波爾。半屬於維德爾特。即外人而波爾人多半從事於農業。無教育。未受文明之新空氣。見識狹隘。動舉偏屈者也。而維德爾特反之。多山歐美航海來。從事礦業。饒有高尙之教育。富於活潑敏銳之氣象。況政府所入之大宗。即在是等外國人所納之金稅。而祇知取而不知與。立法權竟全爲波爾所專有。而外人初不與選舉焉。此紛議之所由起也。雖然。是特英人之言耳。夫教育之度。波爾雖遜一步。然以篤信宗教。樂道安命。質且樸奮。且毅之農牧人民。方之覬覦金銀。弋利冒險之礦業人民。果孰優而孰劣耶。至於金稅事。尤有說焉。如特蘭斯法爾之財源缺匱。且強鄰逼脅。國步艱難。則國家之收入。仰給於國中。最有益之事者。亦不得已也。況特蘭斯法爾國。波爾建之。則立法權之大分。不屬於波爾。將屬之誰。且所謂使外人不與選舉權者。亦誣言也。共和國憲法。明有入籍人享受參政權之規定。惟其規定中。稍有抑制之意而已。

以是責彼。毋乃過歟。

言者又曰。有南阿共和國之參政權者。使果爲十六萬之波爾人。尙可原也。然而實際上論之。則有參政權者。非波爾人。乃二千新來之阿蘭人也。且古魯家久在職位。結託阿蘭人。生種種之惡弊。彼維德蘭特之英國人。亦安得不頻告本國政府。請加一鞭。故殖民大臣強霸倫。言特國非共和政體。實寡人政體者。良有以也。噫。是說也。允乎否乎。吾請得而斷之曰。阿人之歡迎英人也。猶澳洲坎拿大人之歡迎英人也。依同胞之人。而委其政權於能者。烏乎不可。而無如英人之儼猶。何抑波爾之於維德蘭特也。非盡人而厭惡之也。其所厭惡者。乃維德蘭特中之盎格魯倫曼耳。彼等以困於英人羈勒。亘三世紀之久。故其弗耳德恩特盎格魯倫曼即盎英之意之感。念直由先天遺傳而來。況加以壽模崧之侵入事件耶。況乎在謝哈奈波爾之英人。狼子野心。不但欲得其市之公民權。且欲參與南阿共和國之政權。舉蘭德全州而盡入英人之掌握耶。如云不然。則當時發難者。誰耶。所謂塞西爾羅德者。非十日所

視○十○手○所○指○共○知○其○與○強○霸○倫○表○裏○狼○狽○而○經○營○阿○弗○利○加○政○畧○者○耶○嗚○呼○可○以○知○
曲○直○矣○

然則從主權問題論之。果以何者之主張爲正。是不可不細考英阿兩國所締結之
一千八百八十一年普律脫利亞條約。及一千八百八十四年倫敦條約。蓋南阿共
和國於一千八百八十一年勝英國。定普律脫利亞條約。雖以握內治獨立之基礎。
但其條約中。尙留英國干涉內政之餘地。故頻年以來。兩國屢有交涉。至一千八百
八十四年之倫敦條約。始排除一切干涉權。完全已國自治權。英國固承納之矣。且
不觀共和國全權致英國全權特爾皮公之文乎。曰我共和國不但反對一千八百
八十一年之約中條款。實反對該約全體也。當時英國並不屏斥之。則倫敦之新條
約既協定。斯前條約之被廢亦已可知。加之是年二月二十八日。喜望邦太守致共
和國公文中有曰。南阿共和國。凡關於內政者。一如奧凌資自由國。有自治之全權。
該約第四條所云。英國之權利者。以監督共和國之外政爲限。則共和國自治權之

承認。由來久矣。乃強霸倫之主干涉也。竟重提一千八百八十一年之普律脫利亞條約。是非攪死灰而使之復燃耶。由是觀之。此次衝突之主因。所謂一爭干涉權之有。一爭干涉權之無者。果誰爲是而誰爲非耶。

顧觀其從因。在於參政權年限之爭點。而共和國本主張九年制。後讓至七年。當時大統領在議會辯答。有察共和國之國情者曰。如曩者普羅福天會議。英國全權密珥拿所主張。以五年爲限者。則共和國民終被外國人壓服。然九年亦失之太長。似蔑視外人權利。故此際定以七年。則得屏除英國一切之障害。且無礙共和國之獨立。而得博世界之同情矣。果然歐洲大陸之新聞。同聲讚之。德意志「烏啞斯」報曰。對南阿共和國利害之關係。雖德法俄三國。不減於英。然據新法而得參政之人民。幾有一萬五千人。而問其內外之判別。則不僅英人而已。德法人亦甚多。何懼爲波爾所壓制耶。當此之時。強霸倫不更梗議。則英阿兩國之紛糾。根株全絕矣。輿論之所在。不亦可察哉。且如彼喜望邦太守密珥拿者。熱心爲強霸倫之代表者也。於普

羅福天會議時。參政權之年限。尙擬讓至六年。及發電詢於強霸倫強霸倫復電曰。第一以參政問題壓逼之。直使其慒伏而後已。此非獅子與綿羊挑戰之言耶。噫。英國尙爲有理耶。亦以強者之權利爲權利而已。


言者曰。觀奧凌資自由國與南阿共和國。共起兵抗英。此咎應專屬大統領司答英是言也。毋亦袒護英人歟。當時司答英與自由國。共望兩國之平和。盡力調停。已非一次。如昔羅福天之會議。非出於自由國與司答英之誠意耶。無如英國本意。不望和平。阿讓其一。英求其二。阿讓其二。英求其三。南阿愈退。讓英國愈進。逼致共和國。忍無可忍。則自由國調停之望。絕既絕。望於調停。則兩國固夙守同盟之約者。助共和國而執兵。亦諒不容辭者也。司答英果何咎之有哉。

且英國與自由國之交際。從來莫逆者。是因自由國自顧狹小。不足以抗強鄰。因而忍恨吞聲。暫保和平之局而已。例如古利佳蘭德。爲自由國金剛石鑛所在之地。其地抱奧凌資及法爾兩河之會河。本屬自由國。而英國以一千八百七十一年之交

際。遽以兵力奪之。爲喜邦之屬。及至自由國據理以爭。乃曰。此地由葛夫爾酋長讓與英國者也。噫。金剛石礦未發現之前。許爲自由國之版圖。金剛石礦既發現之後。奪爲英國之領地。行仁講義之國。豈若是歟。故自由國含怨積憤。已非一日。絞腦髓。灑熱血。擲頭顱。輕性命。使與英國相從事。否則戰爭一起。實爲特國存亡生死大問題。在君主國或不可知。豈有純然之共和國而顧徇一人之野心。以社稷爲孤注哉。

光緒二十八年十二月二十五日印刷
光緒二十九年一月五日發行

(定價大洋四角)



著者 日本福本誠

杭州城內小營巷

譯者兼發行者 合衆譯書局

上海四馬路惠福里五十三號

印刷所 作新社印刷局

上海英租界四馬路巡捕房東首

販賣所 開明書店

杭州城內三橋址西首

全上 杭州總派報處

7
3126.50